



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

leurs promesses & contracts. Puis doncques quil est mal seant de se contredire, de mesmes il est absurde de contreuenir à ce que son predecesseur à dit, fait, disposé & escript: Veu que le fait du defunct est réputé pour fait de successeur ou heritier.

Ce que s'entend non seulement des particuliers, mais aussy des Princes successeurs; qui ne sont moins responsables des conventions & actions de leurs Antecesseurs, que les personnes de basse condition. Car tout ainsi que le particulier entrant en heritage pactise & contracte en quelque façon avec ceux, enuers qui le defunct estoit obligé, de mesmes aussy le Prince, pour s'acquitter & satisfaire à ce, à quoy s<sup>on</sup> predecesseur estoit tenu, sur tout le Prince heritier de son pere, ainsi que sur la question si le Roy d'Espagne estoit tenu d'observer le Contract de son Pere l'Empereur Charles V. par les plus grands Iuriconsultes fust consulté, & doctement demonstré. Ce que doit estre pris & entendu non seulement de l'heritage, mais aussi de la dignité acquise soit par droit de nature, soit par dernière volonté, ou par election. Les loix le commandent, & les raisons y comprises le veulent. Car y a il rien de plus raisonnable, que celuy qui desire que ses traités soyent inviolablement observés par la posterité, defere le mesme respect aux actions & promesses de ses predecesseurs? Au contraire il n'y auroit point de raison si l'heritier se vouloit preualoir des biens delaisés sans payer les debtes: Ety auroit tresgrande disproportion entre les Etats, si l'un estoit obligé aux anciens traités, l'autre en estoit exempt.

Ce qu'estant tresveritable, tres asseuré & ap-

prouué par consentement vniuersel de tous, decidé & receu par tous les sages, & qui a passé en droit des gens, auquel les Empereurs, Rois & Princes souuerains ont obeï & satisfait, & les contreuenants en ont meritoirement encouru le blasme deuant tout le monde. Pourtant la Seigneurie de Berne trouue tres, estrange la resolution du Tresillustre Prince Henry d'Orleans, Duc de Longueville & Touthville, Comte de Neufchastel &c. perpetuel Bourgeois de ladiete Seigneurie, en ce que son Excellence refuse de tenir & obseruer les traités & conuétions de ses Illustres predecesseurs, par lesquelles est, dit que quand differents seroient meus entre vn Comte de Neufchastel & ses subjects, les Bourgeois de ladiete ville de Neufchastel, alors l'Aduoyer & Conseil de la Seigneurie de Berne en seroit Iuge; auquel iugement lesdictes parties se debuioient tenir, & y satisfaire: & que ladiete Seigneurie de Berne les y pourroit faire obeir, & proteger la partie obeissante contre la desobeissante. Le tout en vertu des lettres de Bourgeoisie, que les Predecesseurs de S. Exc. ont iurée en la ville de Berne, il y a plus de deux cents ans. En vertu desquelles lettres la Iudicature enuers les dicts Comtes & lesdicts Bourgeois de Neufchastel, à esté tousiours exercée & pratiquée sans contradiction, non obstant mesmes le changement suruenu par la prise dudiect Comté, faite par les Seigneurs des Ligues Cantons: lesquels ont reservez les droicts & prerogatiues, que la Seigneurie de Berne a enuers lediect Comté: ainzy que par les extraicts des Originaux sera deduit & demonsté cy apres. Ce que la Seigneurie de Berne fait mettre en lumiere, à l'occasion desdicts differents à elle rapportés.

tés, pour faire paroistre à tout le monde leurs iustes & sincerés procedures, & pour monstrier la foiblesse des discours, qui en ont esté diuulgués par des personnes passionnées, & mal informées: Et que la Seigneurie & Canton de Berne est tresbien fondée es traités & Conuentions authentiques tant & tant de fois reitereés, ratifiées, confirmées, renouuellées & iurées: en sorte que, qui voudroit nier lesdicts droicts de la Seigneurie de Berne, à chacun visibles & palpables, nieroit aussi facilement la lumiere du midi, la chaleur du & feu, la fermeté de la terre.

Si la foy n'est entierement delogée de ce monde, s'il y a encore quelque estincelle de vertu, si la secte de Machiauel ne possède les langues & les coeurs de tous, il faudra confesser, que son Excellence de Longueville n'a eu droit ny raison de contrevenir auxdicts traités, & se mesprend grandement, de se laisser gouverner par des esprits, qui estiment estre indifferrent de soustenir problematiquement la verité infalible, & d'estre grands Politiques & Orateurs à persuader à ce magnanime Prince, quil iroit de son honneur, s'il vouloit suiure la piste de ses Peres, & quil n'est tenu de viure à la façon de ses ayeuls: Pour quant & quant sans subiect & raison luy faire croire, que la Seigneurie & Canton de Berne, ne doit estre iuge ni Arbitre des differents nés & à naistre, entre luy & ses subiects, (nonobstant qu'à ladicte Seigneurie conuient lune & l'autre qualité) Et qu'il luy soit honorable de nier le texte formel des traités de Bourgeoisie, & neantmoins se qualifier bourgeois de Berne.

Les

l'ordre de  
la production  
des piéces.

Les Piéces à produire pour la verification des droits , particulièrement de la Iudicature de la Seigneurie & Canton de Berne , seront distinguées en trois rangs : le premier contiendra les traittés de Bourgeoisie des Illustres predecesseurs de son Excellence avec la Seigneurie & Canton de Berne, esquels se trouue , lesdits sieurs Comtes estre obligés à la Iudicature de ladite Seigneurie pour eux & leur posterité. Le second , la garentie & promesses des onze Cantons des Seigneurs des Lignes, pour lesdicts droits : Le troisiésme rang comprendra la Practique & exercice de ladiéte Iudicature.

LA

# LETTRES DE BOVR- GEOISIE.

## LA RECEPTION DES BOVRGEOIS de Neufchastel pour estre Bourgeois de Berne:



O v s l'Aduoyer & Conseil de laville & Canton de Berne, fauoir faisons à tous qui la presente verront, liront ou entendront lire, que nous pour bonne consideration, & pour la singuliere amitié que nous portons aux prudents & sages, les bourgeois de Neufchastel au Diocese de Lausanne, auons receu lesdits de Neufchastel, tant ceux qui resident en laditte ville que dehors & en resortissants, pour nos perpetuels bourgeois en vertu de la presente avec toutes assureances à ce de coustume & de droit necessaires, & leur auons promis en bonne foy de les fidellemēt proteger, defendre & maintenir, contre tous & vn chacun, soit Ecclesiastique ou seculier, qui contre droit les voudra molester, & ce de corps & biens & de toute nostre puisance, ou pour le moins telle qu'ils nous requerront, de leur prester fidele aide & assistance, d'euer leur dommage, & avancer leur honneur & profit, & à permettre auxdits de Neufchastel & à ceux qui leur appartiennēt

La seig. de  
Berne reçoit  
les Bour-  
geois inter-  
nes & ex-  
ternes de  
Neufchastel  
ensemble-  
ment.

B

libre passage par nos villes, pays & territoires, toutefois & quâtes que nous en serons sômés par eux, sans retardemēt, empechement, ny cōtradiction aucune: toutesfois sans dommage, degast & prejudice de nous & des nostres, cōme auons accoustumé d'en vser enuers nos autres Bourgeois. Reseruant en ce le saint Empire Romain, nos Combourgeois & Confederés de Frybourg & Solleure, & tous autres enuers lesquels sommes obligés par alliance, serment ou autrement. Pareillement iceux Bourgeois de Neufchastel nous deuront & & à nos successeurs fidèlement assister & aider de tout leur pouuoir & puissance, ou telle dont nous les sommerons, contre toutes & chaque personnes, soyent Ecclesiastiques ou seculieres, aussy eviter nostre dommage, avancer nostre honneur & profit, comme tous nos autres bourgeois y sōt tenus sans dol. Reserues neantmoins par eux ont esté expressement tous deuoirs desquels ils sont obligés, a l'illustre Seigneur; Seigneur Conrad de Fribourg Comte & Seigneur de Neufchastel, a ses hoirs & successeurs, selon leur anciennes franchises & coutumes. Comme le tout est contenu es lettres sur ce faites & passées. Item a esté arresté entre  
nous

nous lefdits de Berne & de Neufchâtel , que pour mesintelligences ou differents, comme on les voudra appeller, entre nous lefdites parties , qui d'oreſenavant & apres ſe pourront mouvoir, nous deurons venir en droit & nous accorder ( vne partie en eſtant ſommée par l'autre) au village de VValpersVyl, lequel lieu auons de commun accord choiſi pour lieu de Marche à debattre noſtre cauſe, & les differents & cauſe ne ſe pouuant amiablement terminer , alors l'Acteur deura choiſir vn Moyenneur, aſſauoir vn du Conſeil de la ville, ou le defendeur reſide & demeure', & deura icelle ville commender audit Moyenneur par ſon ferment de ſ'entremettre en l'affaire ( ſi deuant la datte de la preſence il ne l'auoit abiuré ) mais ſi quelqu'vne de nous lefdites deux villes, ou quelqu'vn des noſtres auroit different contrel'autre , lors icelle de nous dites villes, qui ſera aêtrice , ou ſes bourgeois, debura choiſir & prêdre le ſuperarbitre entre les Conſeillers des villes de Frybourg, Solleurre & Bienne, ou elle voudra , & deurons nous lefdites deux villes inſtamment prier la ville d'ou le ſuperarbitre ſera pris, de luy commender a ſ'entremettre en la cauſe, & eſtant ledit



superarbitre ainsi cōpelli, il deura assigner aux-  
dites ambes parties journée audit lieu de la Mar-  
che. Alors lescdites parties deuront ordonner &  
adioindre audit superarbitre, chaqu'une deux  
preud'hōmes, & lescdits superarbitre & adioints  
jurerōt de prononcer sur la dicte cause, sans de-  
lay, selon droit & leur consciences, si ce n'est  
qu'ils la puissent terminer amiablement: & si  
les quatre adioints n'estoyent d'accord, ils de-  
uront dans quinze jours deliurer au superarbi-  
tre, la demande, responce, repliques, dupliques  
avec leur cognoissance, & ledit superarbitre  
deura deliurer sa sentence par escrit & seal-  
lée auxdites parties, dans vn mois apres, & ce  
que par lescdits superarbitre & adioints ou la  
pluspart d'iceux sera ordonné, lescdites parties  
le deuront fermement suivre & y satisfaire. Et  
sil aduenoit que le superarbitre ou quelqu'un  
des arbitres mourust, ou autrement devint in-  
habile auant l'issue de la cause, alors ils deurōt  
& pourront dās vn mois choisir autres en leur  
places, qui s'obligeront en mesme forme que  
les autres auoyent fait. Et deurōt aussi les am-  
bes parties defrayer & indēniser lescdits Super-  
arbitre & Arbitres. Et l'une & l'autre ville deura  
commender aux siens de satisfaire a ce que sera  
pro-

prononcé, & payer les despens. Et pour debtes le Creditur deura faire cōuenir le debiteur en la ville, & deuāt le juge, ou le debiteur reside & demeure & là l'on deura administrer auxdites parties bōne briefue sa reciproque iustice sans dilay. Mais pour debtes non confessées nul ri-  
re lesdites villes ou dehors ne deura gager ne arrester l'autre, si non pour debtes confessées & recogneues, & pour debtes desquelles on a lettres & seaux. Item nous lesdites parties de Berne & Neufchastel, ni les nostres ne deurons faire conuenir ne faire molester l'une l'autre, deuāt aucune justice estrangere Ecclesiastique ou seculiere, si nō pour vsure manifeste & causes de Mariage. Item doivent & sont iceux de Neufchastel obligés pour ladite Bourgeoisie de deliurer à nous, ou à nostre Thresorier, pour nous & en nostre nom selon les lettres à nous par eux baillées, annuellement sur le jour de S. Andre Apostre, deux Marcs de bon & fin argent. Item a esté arresté & accordé entre nous que chaqu'une partie deura payer l'ancien & accoustumé peage, cōme a esté jusques a present accoustumé & vsité. Et si quelqu'un des nostres entre les ambes parties en vne desdites villes auroit commis ou cōmettroit homicide, pour

La Seigne-  
rie de Berne  
doit iuger  
entre les  
Comtes &  
ses subiects  
les bour-  
geois de  
Neufchâtel.

ce doibt & peut le criminel estre proclamé & banni de la ville, ou il aura cōmis l'homicide, & pour ce ne perd la demeurence de la ville & seigneurie, ou il n'a fait & commistelle transgression. Item a esté ouuertement dit, que sile dit Seigneur Conrad de Fribourg ou ses hoirs & successeurs eut quelques debats & differēts avec lesdits de Neufchâtel en general, ou iceux de Neufchâtel contre ledit sieur Côte, ou ses hoirs & successeurs, alors les parties les deurōt rapporter pardeuāt nous lesdits de Berne. Et nous serons obligés d'en rendre nostre cōgnoissance, & ce qui ainsi sera ordonné & cogueu par nous de Berne, icelles parties seront tenues & liées de l'observer fermement. Mais si l'une des parties desdaignoit d'y obeir & satisfaire, nous deuons & voulons maintenir & solō nostre pouuoir defendre, la partie obeissante contre la partie desobeissante & contumace. Itē nous voulons & auons ouuertemēt dit, que personne de nous lesdites parties ne deura estre arresté retenu pour l'autre, pour quelque chose que ce soit. Finalement a esté dit, que nous lesdits de Berne deuons & voulons d'oresenauant tousiours à perpetuité renouueller ladite Bourgeoisie de six ans en six ans secutifs, a la feste de la saincte

la sainte Trinité, par nostre serment, en nostre predite ville de Berne, avec toute nostre communauté, en presence des députés & procureurs desdits de Neufchâstel, quand nous en serons requis par eux, & quand bien ladite renovation ou requisition, comme predict est, en temps, qui fut, de six predites années, ne se feroit, neantmoins la predite bourgeoisie demeurera & sera observée selon sa force & vigueur. Et pour les predites choses toutes & chaqu'unes, comme elles ont esté cy devant clairement descriptes, à tout jamais & tant que lesdites villes de Berne & Neufchâstel seront en estre & dureront, à observer inuiolablement tenir & y satisfaire, nous les predicts de Berne nous obligeons, pour nous & tous nos successeurs, par nos serments. Et en vertu & perpetuelle memoire de toutes les choses predites, nous les dicts Aduoyer, Conseil & Communauté, auons icy fait apposer le scel de nostre ville. Donné & fait en nostre dicte ville de Berne, vendredy veille de S. Geor-

ge : 1406.

**LA BOVRGEOISIE DE LA**  
*ville de Neufchastel avec la ville de*  
*Berne.*

Selon lan-  
 cienn  
 traduction.



Le comte  
 Conrad  
 a con-  
 senti à telle  
 bourgeoisie.

Les Bour-  
 geois de  
 Neufchastel  
 sont hom-  
 mes libres.

Bourgeois  
 internes &  
 externes  
 ensemble  
 entrent en  
 bourgeoisie.

Nous les Bourgeois & toute la com-  
 munauté de Neufchastel, au Dio-  
 cèse de Lausanne, tant ceux de de-  
 hors, que les habitants & manants  
 en ladicte ville, voulons & desirons estre noti-  
 fié à tous & vn chascun qui contempleront &  
 orront ces presentes lettres, Que procedants  
 d'un sainct & delibéré Conseil, & conside-  
 rants diligemment l'utilité & honneur de  
 nous & de nostredicte ville. Nous auons, au  
 feu & par le consentement de Genereux &  
 puissant Seigneur Conrad de Frybourg Comte  
 & Seigneur de Neufchastel nostre generosif-  
 sime Seigneur, pour nous & nos successeurs  
 vniuersels, tous & chascuns aultres qui ap-  
 partienent à nostre predicte ville, tant ceux de  
 dehors, que les Incoles, y manâts & habitants,  
 comme hommes libres spontanément & vo-  
 lontairement prins & accepté & par ces pre-  
 sentes receuons & acceptons, fermement &  
 avec toute caution en icelles deue & neces-  
 saire, soit de droict ou de faict, A fauoir vne  
 perpetuelle bourgeoisie avec la louable ville  
 de

de Berne au diocèse dudit Lausanne, Laquelle Bourgeoisie ausy nous lesdits de Neufchâstel en general & en particulier auons presentement iurée, par nos serments solempnels corporellement prestés sur les saincts Euangiles, par paroles expressees à mains leuées, pour nous & nos successeurs vniuersels. Et auons fermement promis & par les presentes promettons, par nos dits serments, dicelle auoir ferme inuiolable & du tout entiere à perpetuité, ausy la tenir & obseruer, & en icelle bourgeoisie demeurer & perseuerer sans la resigner pour aucun accident & euenement, ny ausy nous departir ou retirer d'icelle nullement à iamais. Et pource que lesdits nos Seigneurs de Berne nous ont fait & demonsté vne faueur & grace speciale par ladicte reception & acceptation. Singulierement ence quilz nous ont promis de nous fidelement defendre & maintenir avec les nostres, tout ainisy que les aultres leurs bourgeois, contre tous nos perturbateurs, & inuaheurs quelconques, qui nous vouldroient perturber contre droict & iustice, s'estants en ce toutes fois expressement exceptés & reserués le S. Empire Romain, les villes & bourgeois de

Promettent  
de ne la  
vouloir  
renoncer,

ils prennent  
cette recep-  
tion à  
faueur.

C

promesse de  
secours à  
la S. de Ber-  
ne.

leurs Confederés de Frybourg & Soleure, ensemble tous aultres, auxquels auant la presente bourgeoisie ils sont de mesmes alliés & astraincts, par bourgeoisie, confederation, serments ou par lettres, comme toutes ces choses se verront estre contenues plus amplement & avec plus grande efficace, es lettres, qui surce ont esté remises. A ceste cause nous lesdicts de Neufchastel promettons reciproquement, pour nous & nos successeurs singuliers, fermement & par nosdicts serments, vouloir ayder & faire fidelle & effectuel secours & assistance auxdicts nos Seigneurs de Berne, & leurs successeurs universels, contre toutes & chacunes personnes seculieres & ecclesiastiques, avec nos corps & biens, & toute nostre puissance, ou pour le moins avec telles forces que nous en ferons requis & par eux exhortés, le tout fidellement & effectuellement, & mesmement de destourner & escheuir leur dam & incommodité, aussi de procurer leur honneur & commodité de tout nostre pouuoir, leur permettant & à tous ceux qui leur appartiennent, de passer & repasser par nostre dicte ville de Neufchastel, & y auoir & tenir acces

ces ouuért soit en allant ou en retournant toutes & quantesfois que, sur toutes & singulieres choses premises, nous en ferons par eux requis, sans aucune contradiction ny exception des personnes, à condition, que ce soit, sans aucun nostre dommage, offence & degast, ny des nostres : Toutesfois nous lesdicts Bourgeois de Neufchâstel, exceptons expressement en icestes, tous les droicts, lesquels nous sommes obligés & entenus de droict, enuers ledict nostre Genereux Seigneur Conrad de Frybourg, Comte & Seigneur de Neufchâstel, & envers les heretiers & successeurs, selon les antiques priuileges, & nos louables coustumes. Item a esté conuenue, entre lesdicts seigneurs de Berne & nous, que pour raison de toutes & quelconques petitions ou discordes, qui pourroyent cy apres suruenir entre nous lesdictes parties, nous deuons pour l'accord d'icelles, nous assembler, quand l'une des parties sera surce requise par l'autre. Assauoir au village & lieu de VValpersvvil, lequel nous auons mutuellement choisy pour lieu de Marché pour nous accorder, Et ne pouuant lors illec par voye amiable estre terminé la cause, petition ou

*Passage**reserve**Procédure  
en cas des  
différens**la Marche*



discrepence dont sera question, partie actrice deura choisir & eslire vn superarbitre, sca- uoir vn de Conseilliers de la ville ou le Réc sera residant & fera sa demeure, & debura telle ville compellir immediatement & par son serment le superarbitre, de s'entremettre de tel faiet, si auant la sommation il n'auoit abiuré telle charge. Mais aduenant que petition ou discorde fust meue par la generalité d'une ville, ou par quelque bourgeois particulier contre la generalité de l'autre ville, lors la ville actrice ou les bourgeois d'icelle deburōt & pourront prendre & eslire vn superarbitre entre les Conseilliers des villes de Frybourg, Soleure ou Bienne selō leur plaisir, & adōc deburons nous lesdictes deux villes serieusement & diligemment requerir celle desdictes trois villes, en laquelle le superarbitre aura esté chois- sy, d'iceluy vouloir induire & compellir à assumer & entreprendre tel faiet moyennāt qu'il n'ait abiuré telle charge comme dict est, & estant tel supererbitre & Moyenneur ain- sy compelly, il debura lors presiger, establir & nōmer jour à ladiete marche aux ambes parties, sinon que par consentement d'icelles, il le puisse transmu-er en vn autre lieu, lors debur-  
ront

ront les deux parties commettre & adioindre  
audict superarbitre, chacune deux honnestes  
hōmes ou Arbitres, lesquels avec le superarbi-  
tre seront tenus jurer, de vouloir décider la  
cause en laquelle ils auront esté choisis & es-  
leus, selon l'equité du droict & sur leurs con-  
sciencies sans aucune intermise ny dilation, si-  
nō qu'ils puissent par le cōsentement des am-  
bes parties terminer & assoupir telle cause par  
voye amiable. Mais aduenant que lesdicts Ar-  
bitres fussent discordants, lors ils seront ente-  
nus de presenter leur cognoissancē au superar-  
bitre dans quinze jours apres, que les demande  
& responce d'ambes parties auront entieremēt  
esté produictes. Lequel apres auoir entendu  
l'opinion des Arbitres, & dès que leur jugemēt  
luy fera esté présenté & mis en mains debura  
donner aux ambes parties, sa sentence defini-  
tive par escript deuēment dans vn mois. Et  
toutqu'ainsy sera decreté & cognu par le su-  
perarbitre & Arbitres, ou par la pluspart d'i-  
ceux, debura estre accepté & tenu par les par-  
ties pour faiēt agreable. Que s'il aduenoit que  
le superarbitre ou quelques vns des ar-  
bitres mourussent, ou deuinssent inutiles par  
aultre infortune, auant l'expedition de  
la cause lors ils pourront & deburont

constituer vn aultre ou aultres, dans le terme d'un mois, au lieu d'iceux, qui de mesmes se deburont obliger & astraindre comme les precedents auroyent faict, & deburont ambes parties aussy satisfaire audict superarbitre, & vne chescune d'icelles a leurs Arbitres effectuellemēt, les frais & despends qu'ils auront supportés en la cause. De mesmes debura chascune ville compellir les leurs d'obtemperer & satisfaire aux predits jugemens & cognoissance, aussy de payer les frais & despends à leurs juges. Mais au faict des debtes, le Creditur debura conuenir & rechercher son Debitur en la ville & riere le juge ou il fera sa residence, auquel lieu bonne, prompte & briefue justice, debura à l'Acteur estre administrée. Mais pour debtes non recognees, ne sera loisible ny permis a nully riere lesdites deux villes de gager ny arrester l'aultre si non pour debtes confessées & recognees, & pour debtes dont apperront lettres sceelées. Item nous les prenommés de Berne & de Neufchastel ny les nostres ne nous deuons aucunement quereller pour aulcune chose que ce soit, par deuant aulcun Juge estrangier ecclesiastique ny seculier, sinon pour

Debtes.

Debtes non  
liquides.Juges e  
strangers.

pour vsures manifestes , & causes matrimoniales. Item nous lesdicts de Neufchastel , & nos successeurs ferons entenus donner & payer a nosdicts seigneurs de Berne ou a leur Thresaurier qui pour lors sera, sur chacune feste de S. André Apostre, deux marcs de bon argent, en recognoissance dedicte Bourgeoisie , laquelle deura perpetuellement durer. Et en contemplation de ladicte cense nous deurons estre libres & acquittés de tous autres tributs, tailles, enquestes & aultres impositions quilz ont accoustumé de percevoir sur aultres leurs bourgeois. Item a esté expressément conditionné que si nous lesdicts de Neufchastel ou nos successeurs, resignions & nous deportions de la presente bourgeoisie , (ce que toutefois nous ne pouvons ny ne devons faire ) & que en ce ne fussions recors & fouuenants de nostre serment & promesse , & de nostre salut (ce que toutefois n'aduiene, ) en ce cas nous serons tenus , & obligés immédiatement de donner & payer auxdicts de Berne, pour vne amende d'auoir faussé nostre foy & serment, Mille Marcs de bon & pur argent sans aulcune exception de droict & de faict. Item auons  
aussy

Peage.

aussy conuenue que chacune partie debura payer les peages d'ancienneté accoustumés, selon que jusques icy a esté accoustumé de faire. Et si aussy quelqu'un des nostres riere nous lesdictes deux villes commettoit

Homicide.

homicide, il debura estre proclamé & banny du lieu riere lequel l'homicide aura esté perpetré & pourtant ne perdra l'autre ville & Seigneurie, riere laquelle tel acte n'aura esté faict. Il a aussy esté dict manifestement que si

le predict nostre Seigneur Conrad de Frybourg, ses hoirs & successeurs, cy apres auoyent petition & discorde contre nous les predicts de Neufchastel en général, ou nous de Neufchastel, contre ledict Seigneur ses heritiers & successeurs, nous deburons telles petitions & difficultes proposer a l'Aduoyer & au

La Seigneurie de Berne juge entre les comtes & les subiects lesdits Bourgeois.

Conseil de Berne, & nous tenir au jugement & cognoissance que de ce ils rendront en satisfaisant & obtemperant plainement à icelle. Et si l'une des parties mesprisoit d'y obtemperer & satisfaire, lors nosdicts Seigneurs de Berne deburont soustenir & maintenir la

Berne peut exequuter son jugement.

partie obeissante, contre l'autre, pour faire valoir ce qu'ils auront entre elles ordonné & jugé. Nous voulons aussy & auons expresse-

ment

ment convenu que nulle de nous les parties ne doibue estre gagée ny barrée ou retenue pour l'autre, pour quelque cause que ce soit. Arrêt & detention. Finalement à esté dict, que nous lesdits de Neufchâstel & nos successeurs perpetuels, deburons & serons tenus, de renouer la presente Bourgeoisie d'oresenauant perpetuellement, Renouati. tousiours de six ans en six ans continuellement suiuaus: sçauoir sur la feste de la sainte Trinité, & lors faire le serment en la dite nostre ville de Neufchâstel, avec toute nostre communauté, entre les mains des Seigneurs députés de Berne, quand surce par eux en serons requis, & encores que telle requeste & renouation ne se fit au temps desdits six ans: Ce neantmoins ladite bourgeoisie deura rester en sa pleine force & vigueur, avec toutes les autres choses icy tenorisées, à tout jamais, & tandis que les predites deux villes de Berne & Neufchâstel dureront & demeureront en estre. Et pour le tout ce que desus fermement & inuiolablement auoir agreable, & satisfaire à toutes les choses par effect: Nous lesdits de Neufchâstel, obligeons nous & tous nos successeurs par nos serments predits & sous la mende desdits mille Marcs d'argent es mains

D

desdits Seigneurs de Berne & de leurs successeurs quelconques, vouloir estre vrais & legitimes debiteurs & pleiges par ces presentes lettres. Et pour memoire perpetuelle de ces choses, comme aussy pour euident temoignage & corroboration de toutes & chacunes choses promises, nous lesdits Bourgeois de Neufchâtel auons fait mettre le sceel de nostre ville aux presentes, Et auons aussy prié les venerables Seigneurs en Christ du Chapitre de l'Eglise de Neufchâtel d'apposer de memes le sceel dudit Chapitre pour nous és presentes. Ce que nous ledit Chapitre à la requeste desdits Bourgeois de Neufchâtel recognoissons auoir fait, toutefois sans le grief & preiudice de nostre Eglise. Données & passées à Berne la sixieme ferie auant la feste Saint Geor-  
ge. L'an de nostre Seigneur

1406.

Lettres

# LETRES DE BOVR- geoisie du Comte Conrad.



V nom de Dieu Amen. Nous Conte Conrad de Frybourg, Conte & Seigneur de Neufchastel, d'une part: Et nous l'Aduoyer, Conseil & Bourgeois & Communauté généralement de la ville de Berne, d'autre part, faisons sçauoir à tous, qui les présentes lettres verront ou orront lire, à présent ou à l'aduenir: Que nous des deux costés vne perpetuelle loyale amitié, auōs arrestée, en termes & conditions cy apres escriptes. Premièrement, auons nous ledict Conte Conrad de Frybourg pour nous, nos hoirs & tous nos succeffeurs, (lesquels aussy à ce fermement obligeons) en la predicte ville de Berne, une perpetuelle bourgeoisie à nous acceptée & receue, pour nostre, vtilité & de tous les nostres, hōneur, & conseruation commune de nostre pays, & de nos gens, laquelle bourgeoisie incontinant pour nous, tous nos hoirs, & succeffeurs, corporellement, par le nom de Dieu, auons promise & jurée d'observer, d'icy perpetuellement à iamais, fermement & invariablement, & de en icelle perpetuellement demeurer. Sans telle

Selon l'ancienne translation de l'allemand en François.

Bourgeoisie perpetuelle.



bourgeoisie iamais pour chose quelconque pouuoir quitter, ny abandonner, par nosdicts serments, & bonne foy prestéz, sans aucun dol. Promettant en oultre, pour nous & les nostres que dessus, auxdicts de Berne, & aux leurs, contre toutes personnes spirituelles, ou séculieres, de quelque dignité ou estat qu'ils foyent, prétendants iceux de Berne, en corps, biens, libertez, droictures ou leurs bonnes coustumes, contre droict assaillir, dommaiger ou perturber, fidelement, avec corps & biens, & toute puissance, ou telle qu'ils nous sommeront, assister, afin de leur dommage escheuer, profit & honneur aduancer. A cest effect de uront aussy tous nos chasteaux, villes, forteresses leur estre ouuertes & patentes, pour en icelles s'entretenir, en toutes leurs necessités, ( toutesfois à nous & aux nostres, sans dommage, & degast) promptement, sans delay, toutes & quantes fois que mestier leur fera, & nous en solliciteront, en bonne foy, sans aucun dol. Reseruant neantmoins nous ledict Comte Conrad de Frybourg parmy ce, tous nos seigneurs desquels à present pouuons tenir fief, aussy nos chers & feaulx Combourgeois de Soleure & Murat, en tels termes, ou iceux nos chers seigneurs

Soyent

Villes & chasteaux de-  
r eureront  
ouueru,

Reserve les  
Seigneurs  
desquels il  
tient des  
fiefs,

seigneurs cy après à l'aduenir auroyent guerre avec lesdicts de Berne, ou les leurs, que nous debuons & voulons en icelles guerres nous tenir coys, sans à aulcune partie ayder, ny par nos chasteaux, villes. & forteresses, contre lesdicts de Berne nos predicts chers seigneurs, ny les leurs, aucunement laisser passer, ny en icelles entretenir. Nous ne debuons ausly auxdicts de Berne pource, le train, cours & a-

Commerces

chept de sel, vin, ny aultres choses, de neguer ny empecher, car ledict traffiq ou achept à eux & aux leurs d'oresenauant ( soit de sel, vin & toutes aultres leurs necessités ) en toute nostre Seigneurie perpetuellement leur sera ouuert, sans pour aucune chose, à jamais, par nous ny les nostres, leur en estre faict interdict ny empechement, Et cas aduenant que nous ledict Comte Conrad dès à present, d'aucun seigneur aulcun fief à nous, par donation, succession, acquisition, ou moyen de service, deuolué, recognoistrions & recepurons, enuers iceux debuons & voulons nous tousiours ceste Bourgeoisie reseruer.

Doit reseruer la bourgeoisie de Berne.

D'autre part confessons nous lesdicts de Berne, auoir ledict nostre benin seigneur Conrad Comte de Frybourg, &c. tous ses hoirs &

successeurs, pour nostre perpetuel bourgeois, & en la protection de nostre ville accepté & receu. Luy promettants par nostre bonne foy, tout dol forclos, contre toutes personnes spirituelles & seculieres, qui, en corps, biens, honneur ou libertés, contre droict assaillir, dommager & perturber le voudront, loyalement assister, avec corps, biens, & toute puissance pour son dommage escheuer, vtilité & honneur aduancer, toutesfois & quantes besoin luy sera, & qu'il nous sommera sans retardation ny contredit aucun, dedans les suiuanes bornes & limites, Assauoir iusques à la forest dessus Vaulmarcus, & iusques à l'eglise de Verriere, ou enuiron. Reseruantz aussy nous les predictz de Berne parmy ce le Sainct Empire Romain, nos chers Combourgeois de Frybourg, nos chers & feaulx alliés de Soleure & tous ceux auxquels cy deuant par alliances, bourgeoisies, serment & lettres sommes obligés, sans fraude. Nous ledict Comte Conrad debuons & voulons aussy auxdicts de Berne, nos honorables Ambassadeurs, toutes les fois qu'ils en auront besoin, à leurs despends prester & accorder. Ce que voulons

lons & debuons nous lesdicts de Berne réciproquement aussy faire. Et ne doibt aucune de nous les parties, ny aussy les nostres pour l'autre, en aucune chose rester engagée ny faisyé. Aussy ne doibt entre nous lesdictes parties ny les nostres, aucun citer l'autre pardeuant aucune spirituelle ny seculiere cour estrangere, que pour causes matrimoniales & vsure manifeste. Pour toutes choses, differents & querelles, que nous ledict Comte Conrad ou les nostres, contre lesdicts de Berne & les leurs, ou nous de Berne ou les nostres, contre ledict nostre bening Seigneur Comte Conrad & les siens d'oresenauant reciproquement aurons, nous debuons, les deux parties, (estant l'une de l'autre sur ce sommée) conuenir en droict commun, à VValperfvvil au village, & ne pouuant là le differend amiablement estre appointé, si donc l'action est à aucun, à nous ledict Comte Conrad appartenant, il choisira vn Moyen ou Superarbitre au Conseil de Berne, lequel luy plaira: si d'autre part l'action est à aucun des nostres dudit Berne, il choisira le Moyen ou Superarbitre, entre les gens dudit Comte Conrad,

*Differents  
ou & comment ils seront des-*

Conrad, jurés de son Conseil, tel qu'il voudra, & debuons aussy nous lors les deux parties iceux superarbitres ( n'ayant auant la conference des presentes abiuré telle charge) promptement induire à s'entremettre de tel cas. Mais ayant nous lediēt Comte Conrad , ou aulcun des nostres particuliere action, contre la generalité de la ville de Berne, ou nous la generalité de Berne, ou aucun des nostres particulièrement action , contre nostredict seigneur le Comte Conrad, pource doibt la partie demanderesse , à laquelle l'action appartient, prendre le superarbitre entre les iurés du Conseil de Frybourg, Solleure & Bienne, & de uons aussy lors nous les ambes parties, la ville, ou le superarbitre reside, instamment prier, icelluy superarbitre ( qui precedemment ne l'auroit abiuré) promptement vouloir induire à s'entremettre dudiēt cas , Estant donc le superarbitre ainsy induiēt ou préparé, il baillera aux ambes parties promptement iour d'assignation, audict lieu de marche, ( si non que par consentement des ambes parties, il la puisse establir ailleurs) lors chasque partie fera deux preud hommes avec lediēt superarbitre ou moyen asseoir, & feront lesdiets cinq serment

ment de promptement dudict cas iuridiquement (entant que leur scauoir portera) sentencer, si non qu'ils puissent obtenir des parties consentement d'une vision amiable, & ou les arbitres sont differents d'opinion, ils doivent dedans quinze jours, (apres auoir des parties leurs demandes dire & response par escript, à poinct de cōclurure, receu,) leurs sentences redigées par escript & seelées, presenter au Superarbitre ou Cinquiesme, & iceluy dans vn mois (dès que la sentence des arbitres receue aura) aux parties la sentence escripte & seelée deliurer, lors doibuent les deux parties fermement tenir & exécuter, ce que par tous les arbitres ou la plus part d'entre eux sera prononcé, & ou ledict Moyen cinquiesme ou aucun des Arbitres iroit de vie à tréspas, ou deuiendroit autrement inhabile, auant la decision du cas, Lon peut vn autre dedans vn mois apres au lieu du de faillant poser, qui semblablement s'oblige, comme les aultres estoient obligés. Les ambes parties fourniront au Superarbitre, & chascune à part à ses Arbitres audit cas, leurs despends & frais de bouche. Et debuons nous les parties les nostres à ce compellir qu'à

E

la sentence ils satisfacent, & payent les depends. Et ne doit aucune partie riens soy, l'autre / partie gaiger arrester ny saisir, pour non confessées debtes pecuniaires. L'une & l'autre partie recevra droit au iugement, pardeuant le iuge, ou le querellé reside en ressort, & doit on lors à l'acteur illec promptement & generallement faire administrer iustice. Nous le predict Côte Conrad confessons aussi, puis que le Preuost, Chapistre & les bourgeois en general de nostre ville de Neufchastel, cy deuant desdicts de Berne perpetuels Bourgeois sont aduenus de nostre consentement, & perpetuelle bourgeoisie y ont promise & iurée, à l'observer perpetuellement. Pour ce est il, que si nous, nos hoirs ou successeurs, par cy apres aucune actiō ou differēt avec les predicts Preuost & Chapistre, ou les bourgeois de la ville de Neufchastel aurons, ou eux reciproquement contre nous, icelles actions & querelles devons nous respectiuelement, sans delay, rapporter par deuant l'Aduoyer & Conseil de la ville de Berne, & ce que lors entre nous sur ce sera prononcé & sentencé, nous debuons d'un costé, & d'autre fermement tenir : Et ne voulant l'une des parties lors acquiescer ny satisfaire

La Seigneu-  
rie de Berne  
juge sur dif-  
ferents en-  
tre le Com-  
te & les  
bourgeois  
de Neufch.

satisfaire, à ce que par le Conseil de Berne au-  
 roit esté prononcé, lors doibuent lesdicts de  
 Berne l'obeissante partie iouxte leur sentence  
 maintenir contre la partie desobeissante, sans  
 cholere. Nous ledict Comte Conrad, &  
 nous lesdicts de Berne, auons ausy convenu,  
 que chascun de nostres, riere l'autre part, sera  
 tenu, les anciens & accoustumes peages four-  
 nir & payer, ainsy que jusques icy à esté vsi-  
 té, sans aguet. Et afin, que ceste bourgeoisie,  
 obtienne eternelle vigueur, nous voulons,  
 ledict Comte Conrad, que tous nos hoirs  
 & successeurs, que ladicte seigneurie de  
 Neufchastel dès à present perpetuellement  
 possederont, dedans vn mois ( apres que par  
 lesdicts de Berne sommés en seront, ) iurent &  
 promettent, celle dicte Bourgeoisie perpetuel-  
 lement vouloir obseruer, es mesmes termes,  
 comme à eux ausy nous auons juré, & ces  
 presentes lettres contiennent, & au cas que le-  
 dict serment & sommation ainsy ne se fe-  
 roient, ce non obstant doit ladicte bour-  
 geoisie en perpetuelle vigueur demeurer.  
 Nous ledict Comte Conrad nos hoirs & suc-  
 cessours debuons & promettons ausy d'an-  
 nuellement, auxdicts de Berne ou à leur

S. de Bern  
 doit prote-  
 ger la par-  
 tie obeis-  
 sante con-  
 tre la deso-  
 beissante.

Ces mots  
 sans cholere  
 sont omis en  
 autres let-  
 tres de  
 bourgeois.

La Bourgeo-  
 sie demeure  
 perpetuelle-  
 ment sans  
 estre re-  
 nouuée



Le comté de  
Neuchâtel  
paye tribut  
à la S. de  
Berne.

Thresorier en recognoissance nostredicte  
bourgeoisie, au jour de Sainct André payer &  
rendre vn marc de bon argēt. Et pour les cho-  
ses premises fermement tenir & garder, sans  
à icelles à jamais contreuenir, Obligeons nous  
ledict Comte Conrad nous, nos hoirs, & suc-  
cesseurs. Et aussy nous lesdits de Berne, nous  
& nos successeurs, par nostre bonne foy, sans  
aucun dol, chascune de nous les parties à l'aul-  
tre en vrayz principaulx & plaiges validement  
par ces presentes. Et pour desdictes choses per-  
petuelle recognoissance & ferme tesmoigna-  
ge, auons nous ledict Conrad Comte de Fry-  
bourg nostre propre seel, & nous les predicts  
de Berne le seel de nostre ville pour nous, com-  
mandé pendre à ces lettres: passées doubles  
semblables, à chasque partie vne. Donné  
Et faict à Berne le vendredy veille de  
Sainct George. L'an

1406.

**EXTRAITS**

**EXTRAITS DES RENOVATIONS**  
*de la Bourgeoisie des Comtes de*  
*Neufchâtel qu'ils ont jurée en la ville*  
*de Berne.*

**R**Odolphe Marquis de Hochberg Seigneur de Rötelen declare & promet par sa foy & son honneur: puis que le Comte Iehan de Frybourg, de Neufchâtel & de Chamnite son Oncle par singuliere amitié luy auroit fait donation à cause de mort de ses terres, qu'il prioit la ville de Berne de l'auoir en recommandation lors quil sera entré en la possession desdites terres, & qu'il desiroit de prendre, continuer & jurer la Bourgeoisie, que ledict Comte Iehan & feu Comte Conrad son Pere, auoyent receue de la ville de Berne le 8. de Iuillet 1457. & qui aussi auroit apporté du profit aux vns & aux autres. Sur ce il a renouuellé ladicte bourgeoisie. En laquelle il declaroit entre autres que c'estoit la volonté de sondict Oncle: en outre reseruoit les Seigneurs, desquels il recognoissoit ledict Comté de Neufchâtel en fief, item les villes de Soleure & Murat, neantmoins avec certaines conditions. Ces lettres sont conformes aux autres lettres precedentes, & les termes, *sans cholere*, sont omis: Le vendredi apres Pasques. 1458.

Le Comte  
de Neuf-  
châtel y est  
qualifié fief.

Philippe, Marquis de Hochberg, Marechal de Bourgogne fils vnique du susdict Comte Rudolphe a par expres commandement dudiect son Pere re-

nouuellé ladiète bourgeoisie, (comme s'ensuit au renouuellement fait par le Duc Leonor,) la feste de nostre Dame 1486.

Louys d'Orleans, Marquis de Röttelen, Comte de Neufchastel &c: apres auoir receu lettres de Berne, & comme beaufils & successeur de Philippe, à pareillement renouuellé la bourgeoisie le 4. de iuillet 1505.

Claude de Lorraine Duc de Guise, Pair de France, Lieutenant general & Gouverneur pour le Roy au Duché de Bourgogne, Administrateur de corps & biés de François d'Orleans, Duc de Longueville &c: a fait renouer la bourgeoisie, au nom dudit François d'Orleans par Jehan de Beauquerre sieur de Pinpillon, George de Riue sieur de Prangin Gouverneur de Neufchastel, Jehan Merueilleux & autres, en semblables termes que Philippe, le 11. de May 1544.

Jacques de Sauoye, Duc de Nemours, Comte du Geneuois & de Neufchastel &c. a fait renouer la bourgeoisie, en son nom, par Christoffle d'Angeville & Louys Machard, ses deputés: En la conclusion il y a, Plus est à sçauoir que lesdicts deputés nous ayants demandé de permettre, audict Duc de Nemours, de reserver en ceste bourgeoisie, sa Maiesté de France, Nous l'Aduoyer, petit & grand Conseil de la ville de Berne, auons surce arresté & conclu leur respondre, Assauoir, puis que la Bourgeoisie, passée avec le sieur Marquis Philippe est perpetuelle, nous ne voulons

Monseigneur de Nemours veut reserver le Roy en la Bourgeoisie.

La Seigneurie de Berne ne veut permettre que les traites soyent changés

lons,ny pouuons faire en icelle aucun changement,innouatiō, ny permettre aucune y estre faicte, ains la laisser en son sens litteral: neantmoins, en consideratiō de leur amiable requisiō, & pour agreer au predict Sieur Duc de Nemours, auons permis, que son Excellence, pour sa personne & pour les biens, pays & subiects, qu'il a & possede riere les terres de sa M<sup>te</sup>. & hors le Comté de Neufchastel, puisse pour ceste fois bien reseruer sa dicte M. de France, en ceste Bourgeoisie, touteffois sans consequence & prejudice de l'ancienne Bourgeoisie, & du iugement rendu, entre Iaques de Sauoye, Duc de Nemours, d'une, & Leonor d'Orleans, Duc de Longueville, d'aulture part, pour le regard dudict Comté de Neufchastel, lequel iugement nous voulons & entendons estre reserué, par termes & conditions expresses, afin qu'il demeure en sa force & uigueur. Pour le second, puis qu'il pourroit survenir des incommodités & desordres, dece que nous lesdicts Aduoyer Conseil & Bourgeois & les nostres, de mesme les subiects dudict Comté, pour n'y avoir vn seul chef, comme Gouverneur ou Lieutenant des-

Permettent  
les reserues  
au regard de  
terres quil  
possedoit en  
France, tou-  
teffois sans  
preiudice de  
leur droi-

dicts

Le Comté  
de Neuf ha-  
bité doit es-  
tre sous  
un seul  
chef.


dicts deux Comtes ensemblement comme  
suiuant lesdits iugemens debuioit auoir este  
esleu & ordonné, en forte que nous & eux  
pour nos actions & demandes & autres affai-  
res comme ils puissent estre nommés sommes  
renvoyés de lieu en aultre : parquoy nous  
entendons & voulons qu'il soit fait en forte  
que ledict Comté soit remis sous vn seul  
chef, & donnés au Gouverneur ou Lieute-  
nant qui y fera, plain pouuoir & puissance de  
traicter & administrer tous affaires & nego-  
ces appartenants audit Comté, selon que la  
necessité le requerra, & qu'il a esté de tout  
temps vsité, laquelle responce lesdicts procu-  
reurs ont acceptée avec remerciements. Et  
surce le serment fust iuré. Est scellée des sceaux  
desdicts sieurs Ducs, & deladiete ville  
de Berne du 5. de Ianuier,

1556.

Lettres

**LETTRES DE BOURGEOISIE**  
*du Duc Leonor d'Orleans, avec la ville de*  
*Berne, où celles du Marquis Philippe*  
*sont inserées de mot à*  
*mot.*

Selon l'an-  
 ciennne tra-  
 dition.

 V nom de l'eternelle indiuisible Di-  
 uinité du Pere, Fils & Saint Esprit,  
 Amen. Nous Leonor d'Orléas Duc de  
 Longueuille, Marquis de Rôthelen,  
 Comte de Dunois, Tancarville, Souuerain de  
 Neufchastel, Prince de Chastillon, Grand  
 Chambelan, & Connestable hereditaire de  
 Normandie, Cheuallier de l'ordre du Roy  
 Tres-chrestien, & Capitaine de cinquantes  
 lances des ordonnances dudiect Seigneur Roy,  
 Baron de Partenay, Monstereul, Belley, Von-  
 naut, Mernaut, Chasteau regnaud, Pougny,  
 Vourney Estrepagny, Arcanly, Gelle fontai-  
 nes, Nonuille, Manchonville Varangfuebet  
 &c: Confessons publiquement comme soit  
 que par le trespas de feu illustre Seigneur Fran-  
 çois d'Orleans nostre Cher cousin, la moitié  
 du Comté de Neufchastel nous soit aduenue,  
 & l'autre moitié par traicté faict avec illustre  
 Prince Iaques de Sauoye, Duc de Nemours,

Le Comté  
 de Neuf-  
 chastel est  
 aduenue en-  
 tierement  
 au Duc  
 Leonor.

F

nostre cher Cousin , semblablement à nous paruenue, tellement que sommes seul & unique propriétaire dudit Comté, entre les anciens Seigneurs & Comtes, duquel nos predecesseurs, & les magnanimes, nobles pour voyables & sages, l'Aduoyer, Conseil & Bourgeois de la ville de Berne perpetuelle hereditaire Bourgeoisie de toute antiquité en ça, a esté, laquelle de nostre costé, pour nous & nos successeurs, desirōs entretenir, & en telle bourgeoisie, alliance perpetuellement perseverer. D'autre costé aussy, Nous l'Aduoyer Conseil & Bourgeois de Berne, estants enuers ledict illustre S. de meme volonté: Nous Leonor d'Orleans, Duc de Longueuille, en presence de l'illustre Dame Jaqueline de Rouan &c: nostre tres-honnorée Mere, d'une part, Et nous l'Aduoyer Conseil & Bourgeois de Berne de l'autre, la predicte Bourgeoisie ( comme selon son contenu y sommes tenuz ) Ce iourd'hui de reschef confirmée, & l'une des parties l'autre en vray perpetuels Bourgeois hereditaires receu & receuons mutuellement , laquelle Bourgeoisie en conservation des anciennes dattes, auons fondé sus le traicté de Bourgeoisie, entre de feu heureuse memoire genereux Prince

La Bourgeoisie est  
perpetuelle.

Prince & Seigneur, Marquis Philippe de Hochberg, Comte de Neufchâstel & nous de Berne dressé, la teneur duquel traité (toutefois avec quelque petit changement à nostre commodité faicte) en la substance des principaux poincts s'ensuit.

Nous Philippe Marquis de Hochberg Marechal de Bourgogne &c. sçauoir faisons par ces presentes, comme soit que genereux Seigneur Rudolphe Marquis de Hochberg, Comte de Neufchâstel nostre bening Pere & Seigneur, avec les Strenues, pourvoyables & sages, l'Aduoyer Conseil & Bourgeois de Berne, nos singuliers chers & bons amis, ait contracté Bourgeoisie perpetuelle, sus luy & ses successeurs validement fondée, dont nous comme son fils vnique, à juste cause (singulierement consideré que telle est sa parfaite volonté) presentement enuers nosdits bons amis, auons à nous tellemēt declairer, que eux enuers nous, & nous enuers eux, puissions trouuer estat d'assurance suiuant ce; Nous ledict Philippe M. de Hochberg, Marechal de Bourgogne d'une part: Et nous l'Aduoyer, & Conseil, Bourgeois & Communauté de la ville de Berne generalement, d'autre part

Bourgeoisie  
du Marquis  
Philippe.



ſçauoir faiſons à tous, qui les preſentes lettres verront, ou orront lire à preſent ou à l'aduenir: que nous des deux coſtés vne perpetuelle loyale amité auons arreſté, en termes & conditions cy apres eſcriptes.

Premierement, auons nous ledict Philippe Marquis de Hochberg &c: pour nous nos hoirs, & tous nos ſucceſſeurs (leſquels auſſy à cela fermement obligeons) en la prediſte ville de Berne, icelle perpetuelle bourgeoisie en nous acceptée, & receue pour noſtre, & de tous les noſtres vtilité, honneur & conſeruation commune de noſtre pais, & de nos gens, laquelle bourgeoisie incontinent pour nous, tous nos hoirs & ſucceſſeurs, corporellement par le nom de Dieu, auons promiſe, & iurée d'oſeruer d'icy perpetuellemēt à jamais fermement & invariablement, & de en icelle perpetuellement demeurer, ſans telle Bourgeoisie iamais pour choſe quelconque pouuoir quitter ny abandonner, par noſdicts ſerment & bonne foy preſtés ſans aucun dol. Promettant en oultre pour nous & les noſtres que deſſus, auxdicts de Berne & aux leurs, contre toutes perſonnes ſpirituelles ou ſeculieres, de quelque dignité

dignité ou estat qu'ils soyent , pretendants iceux de Berne en corps , biens , libertés droictures ou leurs bones coustumes, contre droict assaillir , dommager , ou perturber , fidelement avec corps & biens & toute puissance, ou telle qu'ils nous sommeront , assister , afin de leur dommage elcheuer , profit & honneur aduancer. A cest effect deuront aussy tous nos chasteaux, villes, forteresses leur estre ouuertes & patentes, pour en icelles s'entretenir , en toutes leurs necessités ( toutefois à nous ou aux nostres sans dommage & degast,) promptement, sans delay, toutes & quantes fois que mestier leur sera , & nous en solliciteront, en bonne foy, sans aucun dol. Reservans neantmoins nous ledict Philippe Marquis de Hochberg parmy ce tous nos Seigneurs desquels à present pouuons tenir fief, aussy nos Chers & feaulx Combourgeois de Soleure, en tels termes, ou iceux nos chers Seigneurs cy apres à l'aduenir auroyent guerre avec lesdicts de Berne ou les leurs , que nous deuons & voulons en icelles guerres nous tenir coys, sans à aucune partie ayder, ny par nos Chasteaux, villes & forteresses, contre lesdicts de Berne nos predicts chers Seigneurs, ny les leurs

es villes &  
Chasteaux  
leur seront  
ouuertes.

Reserue  
les Seigneurs  
seigneurs  
seigneurs.

Commette.

aucunemēt laisser passer, ny en icelles l'entrete-  
 nir. Nous ne debuons ausly auxdicts de Ber-  
 ne pource le commerce & achept de sel vin, ny  
 aultres choses deneguer ny empecher, car le-  
 dict trafiq, ou achept à eux ou aux leurs d'o-  
 resenauāt (soit de sel, vin, & toutes aultres leurs  
 neccesités) & en toute nostre Seigneurie per-  
 petuellement leur sera ouuert, sans pour au-  
 cune chose à jamais par nous ny les nostres  
 leur en estre faict interdict ny empchement.  
 Et cas aduenant que nous ledict Marquis  
 Philippe dés à present, d'aucun Seigneur au-  
 cun fief à nous par donation, succession, ac-  
 quisition, ou moyen de seruice deuolué re-  
 cognoistrions & receurions, envers iceux de-  
 uons & voulons nous tousjours ceste bour-  
 geoisie entierement reseruer. D'autre part con-  
 fessons nous lesdicts de Berne auoir ledict no-  
 stre bening Seigneur Philippe Marquis de  
 Hochberg &c: tous ses hoirs, & successeurs  
 pour nostre perpetuel bourgeois, en la prote-  
 ction de nostre ville accepté & receu, luy pro-  
 mettants par nos bōnes foys, tous dols forclos  
 contre toutes personnes spirituelles ou secu-  
 lieres, qui en corps, biens honneur, ou liber-  
 tés contre droict assaillir, dommager & per-  
 turber

Doit reser-  
 uer enuers  
 ses seigneurs  
 feudateu-  
 res futurs la  
 bourgeoisie  
 de Berne.

Promesse  
 reciproque  
 de Berne.

surber le voudront, loyalement assister, avec  
 corps, biens & toute puissance, pour son dom-  
 mage escheuer vtilité & honneur aduancer <sup>Secours</sup>  
 toutefois & quantes besoin luy sera, & qu'il <sup>dans que les</sup>  
 nous en sommera sans retardation ny contre-  
 dicte aucune, dedans les suiuanes bornes &  
 limites. A sçauoir jusques à la forest dessus Vaul-  
 marcus, & jusques à l'Eglise de Verriere, ou  
 enuiron. Reseruantz aussi nous les predictz de  
 Berne parmy ce le Sainct Empire Romain <sup>Refusions</sup>  
 nos chers Combourgeois de Frybourg, nos  
 chers & feaulx alliés de Soleure, & tous ceux  
 auxquels cy deuant par alliances bourgeoisie  
 serment & lettres sommes obligés, sans fraude.  
 Nous ledict Marquis Philippe debuons & <sup>Ambassadeurs</sup>  
 voulons aussi aux dictz de Berne nos honno-  
 rables Ambassadeurs toutes les fois qu'ils en  
 auront besoin, à leurs despendz prester & ac-  
 corder. Ce que voulons & deuons nous les-  
 dictz de Berne reciproquement aussi faire. Et  
 ne doit aucune de nous les parties, ny aussi <sup>Gagement.</sup>  
 les nostres, pour l'autre, en aucune chose re-  
 ster engaigee ny faisie. Aussi ne doit entre  
 nous lesdictes parties ny les nostres aucun ci-  
 ter l'autre, par deuant aucune spirituelle ny  
 seculiere cour estrangere. Toutes choses, dif- <sup>Cours e-</sup>  
 ferents, <sup>trangers.</sup>

ferents & querelles, aussy nous ledict Marquis Philippe ou les nostres cōtre lesdicts de Berne & les leurs, nous de Berne ou les nostres, que cōtre ledict nostre benin Seigneur Marquis Philippe & les siēs d'oresenauant reciproquement aurōs, pource debuons les deux parties, (estant l'vne de l'autre surce sōmée) cōuenir en droict cōmun a VValpersvvil au village, & ne pouuāt le different estre amiablemēt appoinctē, Si dōques l'action est à aucun, à nous ledict Marquis Philippe appartenant, il choisira vn Moyen, ou superarbitre au Conseil de Berne, lequel luy plaira. Si l'action est à aucun des nostres dudiēt Berne, il choisira le Superarbitre entre les gens dudiēt Marquis Philippe jurés de son Conseil, qu'il voudra, Et debuons aussy nous lors les deux parties, iceux Superarbitres (n'ayant auant la conference des presentes abiuré telle charge) promptement induire à s'entremettre en tel cas. Mais ayant nous ledict Marquis Philippe ou aucū des nostres particuliere action contre la generalité de la ville de Berne: Ou nous la generalité de Berne, ou aucuns des nostres particulièrement action contre nostredict Seigneur Marquis Philippe, pource doibt la partie demanderesse, à lo-

La Marche.

Superarbitre.

En cas des  
différents  
entre le  
Comte & la  
Seign. de  
Berne.

à laquelle l'action appartient prendre le Superarbitre entre les iurés du Conseil de Frybourg, Soleure, & Bienne, Et debuons ausſy <sup>Superarbitre & arbitres,</sup> lors les ambes parties, la ville ou le Superarbitre reſide (qui precedément nel'auroit abiuré) promptement, vouloir induire à s'entremettre dudit cas, eſtant donc le Superarbitre ainſy induict ou préparé, il baillera aux ambes parties promptement iour d'aſſignation audit lieu de Marche (ſinon que par conſentement des ambes parties, il la puiſſe eſtablir ailleurs) <sup>Superarbitre doit aſſigner la journée,</sup> lors chaſque partie fera deux preudhommes avec ledict Superarbitre ou Moyen aſſeoir, & feront leſdicts cinq ſerment promptement dudit cas iuridiquement (entant que leur ſçauoir portera) ſentencer, ſinon qu'ils puiſſent obtenir des parties conſentement d'une viſion amiable. Et ſi les Arbitres ſeront differents d'opinion, ils doiuent dans quinze iours (apres auoir receu les demandes, dire & reſponces des parties par eſcript, à poinct de conclurre) leurs ſentences redigées par eſcript & ſcelées preſenter au Superarbitre ou Cinquieſme, & iceluy dans vn mois (dés que la Sentence des Arbitres receue aura) aux parties ſa ſentence eſcrite & ſcelée.

G

deliurer. Lors doiuent les deux parties fermement tenir, & executer ce que par tous les Arbitres, ou la plus part d'entre eux sera prononcé. Et si ledict Moyen Cinquiesme, ou aucun des Arbitres iroit de vie à trespas, ou deuiendroit aultrement inhabile auant la decision du cas, l'on peut vn aultre dans vn mois apres au lieu du defaillant poser, qui semblablement s'oblige, comme les aultres estoient obligés. Les ambes parties fourniront au Superarbitre, & chascun à part à ses Arbitres dudiect cas, leurs despends & frais de bouche. Et debuons nous les parties, les nostres, à ce compellir, qu'à la sentence ils satisfacent, & payent les despends. Et ne doit aussy aulcune partie riere soy, l'autre partie gager, ny arrester ny saisir pour non confessées debtes pecuniaires, L'une & l'autre partie recepura droict au jugement par deuant le juge, ou le querelle reside, en ressort, Et doit on lors à l'Acteur illec promptement & generalement faire administrer justice. Nous ledict Marquis de Philippe confessons aussy, puis que le Preuost & Chapistre & les Bourgeois, en general de nostre ville de Neufchâstel, cydeuant desdicts de Berne perpetuels bour-

Incas de  
différents  
entre le  
Comte,  
Preuost &  
Chapitre &  
les bourgeois.

Bourgeois sont aduenus & perpetuelle bourgeoisie en la ville de Berne, ont promise & jurée al'obseruer perpetuellement: Pource quand nous, nos hoirs & successeurs parcy apres aucune action, ou different avec lesdicts Preuost, & Chapistre ou les Bourgeois de la ville de Neufchastel aurons: ou eux reciproquement contre nous, icelles actions & querelles deuons nous respectiurement, sans delay rapporter par deuant l'Aduoyer & Conseil de la ville de Berne. Et ce que lors entre nous surce fera prononcé, & sentence, debuons nous d'un coste & d'autre fermement tenir, & ne voulant l'une des parties lors acquiescer ny satisfaire à ce que par le Conseil de Berne auroit esté prononcé, lors doibuent lesdicts de Berne l'obeissante partie, iouxte leur sentence maintenir contre la partie desobeissante. Nous ledict Marquis Philippe de Hochberg &c: Et nous lesdicts de Berne auons aussy conuenu que chascun des nostres riere l'autre part, sera tenu les anciens & accoustumés peages fournir & payer, ainsy que iusques icy à esté vsité, sans aguet. Et afin que ceste bourgeoisie obtienne eternelle vigueur, voulons nous ledict Marquis Philippe, que tous nos hoirs &

Leur differens doiuent estre rapportés promptement à Berne. Jugement de la S. de Berne doit estre obserue.  
La S. de Berne doit proteger la partie obeissante contre la desobeissante.

Peage.



Renouelle-  
ment de  
Bourgeoisie.

La Bourgeoisie  
est per-  
petuelle  
sans estre  
renouuée.

Tribut que  
paye le  
Comte de  
Neuchâstel  
à la Seig.  
de Bâle.

successeurs, que ladicte Seigneurie de Neuf-  
châstel dès à present perpetuellement posse-  
deront dedans vn mois (apres que par ledict de  
Berne sommés en seront) jurent & promettent,  
celledicte Bourgeoisie perpetuellement vou-  
loir obseruer, aux mesmes termes, cōme à eux  
aussy l'auons juré, & ces presentes lettres con-  
tienēt. Et au cas que ledict serment, & somma-  
tion ainsy ne se feroient, ce non obstant doit  
ladicte bourgeoisie en perpetuelle vigueur de-  
meurer. Nous ledict Marquis Phillippe, nos  
hoirs & successeurs debuons & promettons  
aussy de annuellement auxdicts de Berne, ou a  
leur Thresorier en recognoissance de nostredic-  
te bourgeoisie, au iour de Sainct André payer,  
& rendre vn marc de bon argent. Et pour les  
choses premises fermement tenir & garder sans  
à icelles à jamais contreuenir obligeons nous  
ledict Philippe nous nos hoirs, & successeurs,  
Et aussy nous lesdicts de Berne nous & nos  
successeurs par nostre bonne foy sans aucun  
dol, chascune de nous les parties à l'autre en  
vrais principaux & plaiges validement par  
ces presentes. Et pour desdictes choses perpe-  
tuelle cognoissance, & ferme tesmoignage,  
auons nous ledict Marquis Philippe de Hoch-  
berg

berg nostre propre seel, & nous les predicts de Berne, le seel de nostre ville pour nous commandé pendre à ces lettres passer doubles semblables à chasque partie vn. Donné & faict à Berne ce vendredy feste de la Conception nostre Dame. L'an 1486.

**A** PRES auoir esté le contenu de la pretenorizée Bourgeoisie, originellement en langue Germanique (comme elle sonne) escripte, en nostre dudiect Duc Leonor d'Orleans naturelle langue Francoise de mot à mot tranlatée (la translation par nostre Secretaire Blaise Horry bourgeois de Neufchastel, & le Secretaire de Berne Nicolas Zerkinden au predict originel collationné) & à iceluy trouué consonante, & à nous intelligible lecture dediecte translation faicte, Auons nous lediect Leonor d'Orleans Duc de Longueuille &c: Semblablement nous l'Aduoyer Conseil & Bourgeois de Berne à main leuée faict serment par le Dieu toutpuissant que nous, & nos succeffeurs voulons & debuons ceste perpetuelle Bourgeoisie fermement obseruer, avec renonciation de toutes exce-

La Bourgeoisie fut jurée.

ptions, inventions & cauillations que contre ce l'on pourroit inuenter. Et en perpetuelle corroboration de toutes & singulieres choses premises, Auons nous Leonor d'Orleans Duc de Longueuille, &c: nostre grand seel armoyé, Et nous l'aduoyer Conseil & Bourgeois de la ville de Berne, le seel de nostre ville faict pendre à ces presentes lettres, passés doubles de mesme teneur, desquels chascque partie en a retiré vn : Donnés & passés à Berne, & par nos deux Secretaires Horry & Zerkinden de nostre commandement soubsignés, Ce vendredi second iour de Ianuier, auquel l'on commence à compter de la natiuité de nostre Seigneur & seul Sauueur Iesus Christ, Mille cinq cents soixante & deux-  
ans.

**LES**

# LES TERMES FORMELS

du serment fait par ledict Illu-  
stre Prince.



Nous promettons en foy & parole de Prince, & jurons solemnellement par le Dieu viuant, vouloir & debuoir entretenir, garder, obseruer & accomplir le contenu du present traicté de bourgeoisie, dont lecture nous a esté faite, sans aucun dol & variation.

Forme de  
serment du  
Duché de  
Neuchâtel.

Monfieur l'Aduoyer Jean François Nägeli a  
assermenté ledict Prince par les paroles predefignées.

Le Gouverneur de Neufchâstel noble l'an Taques de Bonstetten a receu au nom dudiect Principe le serment du petit & grand Conseil de la ville de Berne v- sans des termes suiuaunts.

Nous voulonstenir & accomplir ce que la lettre diect, dont nous a esté fait lecture en bonne foy, aussy vray que Dieu nous est en ayde, sans fraude.

Forme de  
serment de  
la S. de  
Berne.

La Bourgeoisie avec ceux de Neufchâstel & tous leurs Bourgeois a esté renouuëllée fort souuant, & n'est pas besoin d'insérer les actes desdictes renouua- tions.

**PROMESSES**

**PROMESSES DE GARAN-**  
*tie des onze Cantons des Seigneurs des Li-*  
*gues, faites à la Seigneurie de Berne pour*  
*leur droits & prerogatives sur le*  
*Comté de Neufchastel.*

**PROMESSE DES ON-**  
*ze Cantons.*



Nous les Bourguemaistres, Aduoyers, Ammans, Conseils & Communautés des villes & pais des Liges, Assauoir de Zurich, Lucerne, Vry, Sultz, Vndervvalden dessus & dessous le bois appelle Kernvvald, Zug avec son resort, Glarus, Basle, Frybourg, Soleure & Schaffhouse, Sçauoir faisons à tous par la presente, Comme ainsy soit que nous aurions par cy deuant avec les honorables prudents & sages, l'Aduoyer & Conseil de la ville de Berne nos singuliers Amis, chers & bons Alliez & Confederés pris & reduict en nostre pouuoir la ville & Comté de Neufchastel: nos chers Confederes de la ville & Canton de Berne se feroient en ce reserué, leur bourgeoisie, & aultres droicts qu'ils ont eu de toute anciennete envers ceux de Neufchastel, & demandé qu'on les

La S. de Berne  
 ne reserue  
 ses droits sur  
 le Comté de  
 Neufchastel  
 on la prise  
 diceluy,  
 faite par  
 les Seig. des  
 liges.

les laissat paisiblement & sans trouble iouir de tous lesdicts droicts. Pourquoy, entrants en la possession de ladicte ville & Comté, nous auons accordé ceste reserue & iuste demande, auxdicts nos chers confederes de Berne. Donques nous tous les susdicts Cantons, Ascauoir, Zurich, Lucerne, Vry, Suits, Vnderwalden, dessus & dessoubz le Kernvvald, Zug, Glarus, Basle, Frybourg, Soleure, & Schaffhouse, confessons & promettons pour nous & tous nos successeurs, generalement, & chasque Canton en particulier, de ne la troubler ni de posseder iamais nosdicts chers Confederés de Berne, ny tous leurs perpetuels successeurs, de ladicte Bourgeoisie, & aultres droict & obligations, qu'ils ont contre & enuers la ville & Comté de Neufchastel, en aucune façon ny maniere que ce soit: ains les laisser iouxte iceux paisiblement, sans moleste & trouble, & ce fidelement accomplir, sans que iamais nous ny les nostres y contreuenions, ny permettions y estre contreuenue, par qui que ce soit, le tout sans aucune contradiction, dol ny fraude. En vray & ferme tesmoignage, & perpetuelle reconnaissance de quoy, nous les predictes villes & pais; Assauoir, Zurich, Lucerne, Vry,

Chaque Canton en particulier promet à la s. de Berne de la laisser iouir de ses droits qu'elle a sur ledit Comté.

Promettons que ne venlent permettre qu'aucun y contreuenne.

H

Suitz, Vndervvalden, Zug, Glarus, Basle, Frybourg, Schaffhouse, auons faict apposer, à la presente, les seaux de nos villes & pais, pour nous & nos perpetuels successeurs, Donnée à Frybourg le vendredi, veille de saint Thomas, Apostre, l'an de la natiuité de nostre seigneur 1512.

Les quatre villes de Berne, Lucerne, Frybourg & Soleure, font declaration du serment, à eux par ceux de Neufchastel iuré, qu'ils confirmoyent, auxdicts de Neufchastel, tous & chacuns leurs priuileges, droicts, anciennes & modernes coustumes, escriptes & non escriptes, à eux n'a gueres, ou ia dés long temps par les Contes & Contesses de Neufchastel donnés & departis, & desquels ils ont iouy, iusques à present. Le  
Lundi apres feste de Saint Iaques  
l'an 1512.

50783

**SOVBS QVELLES CONDITI-**  
*ons, la ville & Comté de Neufchastel, à esté re-*  
*mise, à Illustre Dame Jeanne de Hochberg,*  
*par les Seigneurs des*  
*Ligues.*



Nous les Bourguemaistres, Aduoy-  
ers, Ammans, Conseils & Commu-  
nautés des Ligues de la haute Ale-  
maigne, Assauoir, Zurich, Berne, Lu-  
cerne, Suits, Vndervvalden, dessus & dessoubz  
le bois appellé Kernvvald, Zug, avec son re-  
sort, Glarus, Basle, Frybourg, Soleure &  
Schaffhouse, Confessons & faisons scauoir à  
tous, par ces presentes, Comme ainsi soit que  
les années passées, entre le Roy tres-chrestien  
Louys II d'heureuse memoire, d'une, & nous  
& nos Alliés, d'autre part, il y eut eu quelques  
esmotions de guerre, durant lesquelles pour  
toutes sortes de causes, à ce nous mouuantes,  
& singulierement, d'autant que tres-illustre  
seigneur Louys d'Orleans, depuis Duc de Lon-  
gueuille, appartenoit à sa Maiesté, tant de sang  
que pour ses offices & sa residance, afin que  
de ce costé là ne nous peust arriuer aucun



meschef ou inconuenient , auons premiere-  
ment nous les villes de Berne , Lucerne , Fry-  
bourg, & Solcure, prins & receu par forme de  
protection, en nos mains & administration, la  
ville & Comté de Neufchastel , selon que  
chacune de nous estoit obligée suiuant le con-  
tenu de nos lettres & seaux : & aduint par a-  
pres , que suiuant les anciennes & louables  
coustumes des Liges, nous les aultres Can-  
tons sommes aussy entrés, en l'administration  
dedicte ville & Comté , en egale part & por-  
tion , ce ayant esté faict en nostre guerre com-  
mune & ouuerte, & l'auons tousiours depuis  
( par la grace de Dieu, ) possedée & gouuer-  
née.

Surce l'illustre Dame Ieanne de Hoch-  
berg, Contesse de Neufchastel nostre bour-  
geoise se feroit grandement plaint , estre  
priuée de sadicte ville & Comté, & preten-  
doit, que combien qu'il y ait eu des mesin-  
telligences entre sa Maieft. & la Couronne de  
France, d'une, & nous, d'autre part, quelle  
comme femme, & qui n'en estoit cause, n'en  
debuoit aussy patir si griefuement, pour estre  
priuée & depossedée de son heritage qui à  
elle

elle est aduenue par son seigneur & pere & de-  
ses ancestres d'heureuse memoire. Sur les-  
quelles diuerſes requisitions de ladicte Dame  
par le ſieur de Moralla faietes en ſon nom,  
auſſy à l'interceſſiõ de S.<sup>me</sup> M.<sup>re</sup> tres-chreſtienne,  
a la requisition du Conſeil & Ambaſſadeurs  
de S.<sup>me</sup> M.<sup>re</sup> conſiderants le fond & eſtat de ceſt  
affaire, & apres vne bonne & meure delibe-  
ration de toutes les raiſons, (non neceſſaires  
icy eſtre inferées,) auons remis ladicte ville &  
Côté de Neufchafſtel, en l'eſtat qu'il eſt main-  
tenant, ſciemment & avec ſuffiſante preme-  
ditation, à ladicte Dame Ieane de Hoch-  
berg, comme nous remettons ladicte ville &  
Comté à ladicte Dame & à ſes enfans le-  
gitimes, hoirs & ſucceſſeurs, pour nous &  
nos ſucceſſeurs, pour les poſſeder, gouuer-  
ner, dominer, en iouir & vſer, elle & ſes  
enfants & hoirs, & pour en faire & or-  
donner à ſon plaifir, avec pleine puiſſan-  
ce, & tous droicts, fruiets appartenants  
& en dependants, ainſy comme nous l'a-  
uons iuſques à preſent poſſedée & gouuer-  
née. Toutefois avec expreſſes conditions  
& reſerues que ladicte Dame Ieanne de  
Hochberg, auſſy ſes enfans & hoirs deu-

Conditions  
sous les  
quelles le  
Comté fut  
remis: assa-  
voir de lais-  
ser paisible-  
ment iourir  
les bour-  
geois de la  
ville de  
Neufchastel,  
de leur  
franchises &  
coustumes

ront posséder ladicte ville & Comté de Neuf-  
chastel, & que là, deburont laisser leurs sub-  
iects, de la dicte ville & Comté, iourir paisible-  
ment, de tous & chacuns leurs droicts, pri-  
uileges, coustumes & biens, qu'ils ont obtenu,  
de nous, ou de nos Baillifs y residants, & aussy  
laisser en paix & repos tous ceux qui auroyent  
aydé & assisté à nous, ou aux nostres, à la prise  
dedicte ville & Comté, ou de puis, sans les en-  
chastier, molester ou rechercher.

Et par cestes cy nous quittons, à tous  
Baillifs, officiers, ecclesiastiques ou seculiers,  
gentils hommes & tous les subiects de ladi-  
cte ville & Comté de Neufchastel, de tous  
serments, & debvoirs de serment, desquels ils  
nous estoient tenus & obliges. Et mettons par  
cestes, & en vertu de la presente, ladicte Dame  
Jeanne de Hochberg, ses enfants naturels &  
legitimes & successeurs, en paisible possession,  
pleine & entiere iouissance, dedicte ville &  
Comté de Neufchastel.

Nous promettons aussy, en general, &  
chasque Canton en particulier, de tenir ladi-  
cte remise & cession pour agreable, ferme &  
stable, sans y contreuenir ny contredire, faire  
ou permettre y estre contreuenue, ny en secret  
ny

ny ouuertement en aucune façon. Renonçant  
 sçiemment à tous priuileges, graces, loix,  
 coustumes, jugements, & droicts canoniques  
 & ciuils, nationaulx & municipaulx, à toutes  
 cautelles, exceptions & allegations inuentees  
 ou à inuenter, par lesquelles la presente lettre,  
 remise & susdicte celsion, pourroit estre empe-  
 chée, abolie ou aneantie, auxquelles nous a-  
 uons renoncé entierement & sçiemment, en-  
 semble au droit, que renonciation generale ne  
 vaut, si la speciale ne precede, & auxquelles,  
 comme à nous inutiles, nous contredisons,  
 renonçons & cedons generalement & par-  
 ticulierement, pour nous & nos successeurs, en  
 bonne foy & deuement, sans dol & fraude, en  
 lieu de serment, en vertu des presentes, T O V-  
 TESFOIS SANS PREIUDICE DES QVA-  
 TRE VILLES, SELON LE CONTENV DE  
 LEVRS LETTRES.

Pour l'assurance, forme de quoy, & acte  
 publiq, d'autant que ceçy à esté promis &  
 conclu, à la iournée de Bade en Argouie, en  
 nostre nom, par les Deputés de nos Conseils, le  
 vertueux & prudent Iaques *In der Rüttli* à pre-  
 sent Baillif dudict Bade, & du Conseil du Can-  
 ton de Suitz apposé son seel à la presente au  
 nom

nom de nous tous : Donnè le vendredi veille de Pentecoste L'an de grace 1529.

Reserve des  
droits des  
quatre villes

Sur cest arrest de Bade, ont esté envoyés les deputés des trois villes, pour liberer les bourgeois dudit Comté, du serment, de la part de la S. de Berne le sieur Nicolas de Grafenried Banderet, ledernier Iuin 1529. avec instruction, touchant la negotiation de restituer ledict Comté : premierement d'accomplir l'arrest de Bade : en apres de reserver le serment, par lequel tant les bourgeois Internes qu'externes sont obligés à la Seigneurie de Berne, à cause de la bourgeoisie perpetuelle, & aussy la perpetuelle bourgeoisie de ladicte Seigneurie de Neufchastel, avec la ville & Canton de Berne, qui n'a gueres à esté renouvellee, avec Madame la Marquise Jehanne, en semble tous les droicts, debvoirs, bornes, & limites, & tout ce qu'appartient à ladicte Seigneurie de Berne, comme plus amplement est declaré par les lettres, qui furent bailleés de la part de ladicte Seigneurie de Berne, au Procureur & charge ayant de ladite Marquise, alors qu'a elle la S. de Berne remit sa part dudit Comté : à quoy l'on se rapporte. Le dernier de Iuin, 1529.

Les droits  
de la Seign.  
de Berne,  
quelle a  
sur le Com-  
té de Neuf-  
chastel, ont  
esté reser-  
vés en la  
restitution  
dudit Comté.

ACTES

# ACTES DE LA PRACTIQUE DES DROITS PARTICULIEREMENT DE LA IUDICATURE

exercée par la Seigneurie de Berne.

**E**S differents entre Iehan Comte de Frybourg & Neufchastel, Seigneur de Tschamnite &c. d'une, & les bourgeois de la ville de Neufchastel d'autre part, la Seigneurie de Berne a enuoyé le sieur Iule Spielman du Conseil estroict de ladiète ville, pour prendre information, & assermenter les temoins de la part de ladiète Seigneurie de Berne, pour lesdicts differents entre ledict sieur Côte & les bourgeois de Neufchastel: auquel furent adioincts les sieurs, Pierre d'Orient Secrétaire d'estat de la ville de Bienne, en ce faict Greffier, pour ledict sieur Comte; & Iaques Cudrefin Secrétaire d'estat de la ville de Frybourg, en ce faict Greffier pour lesdicts de Neufchastel.

La Seigneurie de Berne enuoye à Neufchastel pour prendre information par un du Conseil dadié Berne: excellant acte de iudicature.

Après qu'icelles parties s'estoyent presentées iudiciellement & en droit à Berne, la deposition des temoins dudit sieur Comte fut premierement leuë, dont il y auoit 22. articles.

Le Comte & ses subiects se presentent iudiciellement à Berne: donques a

Le premier, des quatre aides qu'ils luy doibuent:

renogneu  
la S. de Berne  
ne pour ju-  
ger.

1. Sil marie vne fille.
2. Pour le voyage d'outre mer pour deuenir Cheuallier :
3. En cas qu'il seroit prins prisonnier , pour payer fa rençon : Sil acheptoit des païs & Seigneuries : & aultres articles , qui ne sont necessaires d'estre spécifiés.

En tesmoignage de ce que dessus & que lesdictes informations deuëment ont esté prinſes & par prestation de serment entre les mains du susdict lule Spilman, il a apposé son propre ſeél, auxdits actes & les susdicts deux Secretaires ont deuëment signé l'original qui est encores en estre.

Iugement  
du Conseil  
de Berne.

Surce est ensuiui le iugement du Conseil de Berne, ou il est dit : que ceux de Neuchastel demandoint que leur Seigneur leur confirma leurs franchises dont ils luy auroint donné copie prinſe sur vn vidimus, & certain roole pretendants que ledict Sieur Comte n'auoit aultres droicts sur eux, que ceux qui seroient compris audiect roole & vidimus des lettres ottroyées par ses illustres Predecesseurs, & par luy confirmées & que l'original seroit peri par feu.

Les ſubiects  
disputent les  
droits dudit  
ſieur Comte  
qu'il preten-  
doit sur eux.

Le Comte auoit respondu qu'il n'estoit pas tenu de leur conceder les priuileges par eux demandés, & qu'il pretendoit d'auoir beaucoup d'aultres droicts seigneuriaux , que ceux

ceux qui sont contenu audict vidimus & roolle, & qu'il leur confirmera bien volontiers, les priuileges dont ils feroient paroistre actes, toutesfois les droicts seigneuriaux reserues desquels il auroit ioui iuqu' alors.

Pour ces differents (l'acte judicial parlant) les deux parties sont judicialement comparees par deuant nous l'Aduoyer & Conseil de la ville & Canton de Berne, suiuant les lettres de Bourgeoisie anciennement entre eux & nous passees, Mcredi laveille de Sainct Bartholomé, l'an 1454. & les deux parties ont deposee riere nous leurs lettres priuileges, informations de tout ce de quoy chascque partie pretendoit s'en preualoir en droict, apres auoir assigné auxdictes journée & envoyé à Neufchastel nos Ambassadeurs pour s'entre mettre & tacher les accorder amiablement : & à defaut d'accord auons cité & donné journée judiciaire aux dites deux parties, pour comparoistre icy audict Berne, à quoy lesdictes parties ayants satisfait, assauoir le sieur Comte lehan en propre personne, avec quelques vns de ses Conseillers, les bourgeois de Neufchastel par leurs Deputés : Nous, apres auoir veu & ouy d'article en article toutes les plaintes, deman-

La S. de  
Berne tache  
d'accorder  
les parties.

Citation de  
la part de la  
S. de Berne.  
aux dites  
parties si-  
gnifiée.

Les parties  
ont satisfait  
à la dite Ci-  
tation.



des responses, repliques, vidimus des Priuileges, rooles, aussy les actes de deposition des tesmoins, & tout ce qu'ils ont employé & mis en droict, apres plusieurs essais de les accorder à l'amiable, auons jugé & ordonné, &c.

Les suiuaunts termes formels sont souuant reit-rés en ce jugement.

Termes formels sont à remarquer pour reconnoître que le S. de Berne a la iudicature en cas des différens entre les Comtes & ses sub-jets.

**NOVS IVGEONS ET PRONONCEONS VNANIMEMENT EN DROICT.**

**NOVS PRONONCEONS IUDICIALEMENT.**

**NOVS PRONONCONS ET IVGEONS.**

Entre aultres est dit, que les Ministres & officiers du sieur Côte pourront aussy bien juger avec le Seigneur ou son Lieutenant quand on appelle par deuant luy, que les Vassaulx Chanoines & Bourgeois, comme auroit esté accoustumé de tout temps. Et ayants lesdicts bourgeois de Neufchastel iudicialement produit la copie d'un vidimus des anciennes lettres de Priuilege qui seroit riére le Chapistre de Lausanne, aussy vn roole non signé ni scellé faisant mention de beaucoup des droicts concedés par les Illustres predecesseurs dudit sieur Comte: ledict Comte lehan alleguoit que les lettres auroient esté depuis 239. ans ençà

en ça de beaucoup changées, & qu'il y a plusieurs articles, dont ils n'auoient jamais jouy. Surce nous auons prononcé & iugé prononçons & iugeons que ledict vidimus & anciens priuileges ne porteront profit ny preiudice à aucune desdictes parties, puis qu'elles ont si long temps demeuré sans qu'on s'en soit serui, comme tesmoigne la datte : Mais pour le Roole iugeons & cognoissons que ce que lesdicts de Neufchastel pourront prouuer par legitime tesmoignage, ou que le Comte leur aduoue qu'ils ayent eue ces priuileges & en ayent jouy par le passé, cela debura demeurer en son ancien estre, & leur debura ledict Comte Iehan de Frybourg iceux confirmer pour luy & ses successeurs par patentes deuëment sceelées en forme des lettres de Priuilege, selon que sera requis, & comme a esté accoustumé : Et qu'ils en fassent paroistre dans vn an apres la datte de la presente : Toutefois le tout sans preiudice de nos presdits jugemens, aussy d'autres prononciations, sentences & declarations que par cy deuant en auions faictes entre les dites parties. Finalement nous iugeons & prononçons en droict que ledict Comte Iehan demeurera juxte les

La Seigneurie de Berne iuge que le Comte est tenu de confirmer les priuileges à ses subiects,

Berne reserve ses precedans jugemens.

ND.

autres droicts & qu'il a encores & qui ne sont pas icy speciffiés:

Pour assurance de ceste prononciation judiciaire y a esté apposé le scel de la ville de Berne, 1454.

Le Comte  
Jean ob-  
tempere au  
jugement  
de Berne.

Surquoy ledict Comte Iehan de Frybourg leur a ottroyé lettres patentes de leurs priuileges, & par ce moyen executé le precedent jugement, lan 1454.

**VN AVLTRE IUGEMENT ENTRE RO-**  
*dolphe Marquis de Hochberg & ceux de Neufchastel à*  
*cause de la chasse, ou les points suivants sont*  
*à remarquer.*

I.

**Q**V'à cause des plusieurs differents entre le Comte Jean & ceux de Neufchastel, les parties ont comparues judicialemant par deuant la Seigneurie de Berne, laquelle a rendu sa cognoissance iudiciale, comme est porté par la sentence deuement seelée, le jeudi veille des Rameaux l'an 1474.

2. Que sur la citation le Marquis de Hochberg s'est personnellement présenté & ausly les deputés de ladiète ville de Neufchastel.

3. Item que parcy deuant a esté rendu iugement par la Seigneurie de Berne, par lequel il est declairé qu'ils peuuent chasser es terres dudiect Comté.

4. Ladiète Seigneurie de Berne avec meure deliberation apres cognoissance du faiet a ain sy vnanimement iugé & prononcé &c.

**AVLTRE**

**AULTRE IUGEMENT REN-**  
*du entre Rodolphe Marquis de Hochberg &  
 les bourgeois de Neufchâstel, à cause de l'e-  
 motion faicte pendant la guerre, ayants  
 quelques uns pillé le vin du Prieur de  
 VVunterberg, & par ainsy commis vio-  
 lance audict Comté.*



Vquel est déclaré, que le sieur Mar-  
 quis demandoit de la S. de Berne d'estre  
 maintenu, en consideration de la Bourgeoi-  
 sie & de la protection promise, dont il auroit  
 lettres & seaux, de la part de la dite Seign. de Berné.

*Termes formels:*

**S**Urquoy afin de sçauoir au vray le faict, a-  
 uons enuoyé Ambassadeurs, de nostre Con-  
 seil à Neufchâstel, auxquels nous auons  
 commandé d'ouir ausy nos bourgeois de  
 Neufchâstel en cest affaire, & de tacher de  
 les ammener à l'obeissance & accord rai-  
 sonable, Lesquels nos Ambassadeurs estants  
 arriüés à Neufchâstel ont ouy lesdictes parties,  
 & ne les ayant peu amiablement accorder,  
 ont donné citation audict sieur Marquis, & à  
 ceux de Neufchâstel nos bourgeois à compa-  
 roir

Après la  
 plainte for-  
 mée par le  
 sieur Côte,  
 la S. de Ber-  
 ne veut  
 ouir l'autre  
 partie, les  
 Bourgeois  
 de Neufch.  
 pour les ac-  
 corder avec  
 leur Seign.  
 Citation in-  
 timée tant  
 audt sieur  
 Marquis que  
 auxdicts  
 Bourgeois,  
 de compa-  
 roistre à  
 Berné.

roir judicialement par deuant nous ce jourd-  
 huy datte de la presente. Et ainſy eſtants les  
 ambes parties comparues ledict ſieur a rei-  
 teré ſes plainctes &c:& leſdicts de Neufchſtel  
 ourny leurs reſponces &c:Et auons premie-  
 rement requis audict ſieur Marquis & à noſ-  
 dicts bourgeois de Neufchſtel de ſe ſous-  
 mettre entierement à noſtre deciſion, afin  
 que ce que nous en dirons ſoit obſerué par  
 leſdictes parties, pour en traicter comme ſi ce-  
 ſtoit noſtre propre affaire: à quoy ledit ſieur  
 Marquis auroit acquieſcé: Mais les Deputés  
 de Neufchſtel ont dit n'en auoir point de  
 charge, & qu'ils l'apporteroient à leur Com-  
 munauté. Surce nous auons de plus près con-  
 ſideré l'affaire & les lettres de bourgeoisie, que  
 leſdicts de Neufchſtel ont avec nous, par  
 leſquelles eſt dict entre aultres choſes: Que ſi  
 leur Seigneur & eux auoient quelques diffe-  
 rens par enſemble ils deburont comparoi-  
 ſtre par deuant nous, & qu'ils ſe deurent tenir  
 à ce que par nous ſeroit cogneu & ordonné,  
 & ſi quelqu'une deſdictes parties n'y vou-  
 loit ſatiffaire, nous deburions maintenir la  
 partie obeiffante iouxte icelle ordonnance &  
 cognoiſſance &c. Surce pour la deciſion des  
 differents,

La Seign.de  
 Berne veut  
 accorder les  
 parties par  
 amiable  
 pronuncia-  
 tion, à la-  
 quelle  
 neant moins  
 les parties ſe  
 deussent  
 ſoumettre  
 entierement.

La S. de Ber-  
 ne trouue  
 par les lec-  
 tures de  
 Bourgeoisie  
 que les  
 parties ne  
 pouoient e-  
 uiter ou de-  
 cliner le iu-  
 gement du  
 dit Berne,  
 ſans alterer  
 & contre-  
 uenir à la  
 bourgeoisie,  
 puis quil y  
 eſt dit  
 DEVRONT  
 COMPA-  
 ROITRE  
 &c. dont ap-  
 pert que les  
 Seign. de  
 Berne ſont  
 iuges ne-  
 ceſſaires en-  
 tre les dites  
 parties.

différents, a esté unanimement ordonné & arresté &c. ou entre aultres est dict:

NOVS VOVLONS par declaration expresse, que les droicts seigneuriaux dudict sieur Marquis, & de mesme les droicts & priuileges de nosdicts bourgeois de Neufchastel, & singulierement le droict des bourgeoisies & conuentions qu'auons par ensemble demeurant en leur force, sans quelles soyent aucune-ment affoiblis, ny souffrent preiudice, ny alteration en aucun point. Et pour acte de ce auons faict bailler deux lettres seelées, l'une pour ledict sieur Comte, & l'autre pour lesdicts de Neufchastel nos bourgeois, l'an 1473. le dimanche, Inuocauit.

Les bourgeois de Neufchastel ne s'en voulants contenter, demandoyent estre introduicts deuant le grand Conseil, là ayants comparu & esté ouys, ladicte sentence a esté unanimement confirmée & ordonné que lesdicts de Neufchastel deussent obseruer ladicte ordonnance, dont y a lettres seelées en datte de l'an

1475.

K

Nota:  
les termes  
du iuge en  
Nouu Vo-  
lons.  
Le Conseil  
de Berne  
iuge sur les  
fins declina-  
toires & di-  
latoires pre-  
sentées par  
les Bour-  
geois de  
Neufcha-  
stel, & or-  
donne que  
suivant les  
traités de  
Bourgeoisie,  
ils soient te-  
nus de re-  
spondre.

Les Bour-  
geois de  
Neufchastel  
appellent  
deuant le  
grand Con-  
seil, marque  
de iudica-  
ture: car on  
n'appelle  
pas des  
Arbitres.

**VNE AVLTRE CAUSE IV DI-**  
*ciale entre ceux de Neufchâstel comme Acteurs*  
*d'une, & ledict Marquis comme De-*  
*fendeur d'autre*  
*part.*



**L**Edictes parties ont comparu par  
 deuant la Seigneurie de Berne, au jour as-  
 signé, assistées du sieur Abbé d'Erlach, &  
 des Ambassadeurs des deux villes Fry-  
 bourg & Soleure, à cause de l'infraction pretendue de  
 leurs priuileges, que ledict Marquis leur auoit aupara-  
 uant confirmés, & singulierement à cause du foin  
 par force ammené du maraix de Châblaix dont  
 la Seigneurie de Berne en a rendu diuers  
 jugemens: 1497.

**ACTES**

# ACTE DE PROLONGATION

*Et remise d'une assignation ottroyée par la Seigneurie de Berne, pour les differents entre le sieur Comte, Et ceux de Neufchastel, ses subiects.*



OVS l'Aduoyer & Conseil de la ville & Canton de Berne, Sçauoir faisons par ces presentes, comme ain-  
sy soit, que honorables sages & singuliers nos bons amis les feaux & aimés bourgeois les quatre Ministraux, Conseil, & Communauté de la ville de Neufchastel, nous ayent faict proposer par leur honorable Ambassade le penultie me iour du mois de May dernièrement passé, comme ils ayent certains differents & demandes avec le Lieutenant & Gouverneur de Neufchastel comme procureur de tres-illustre Prince, le Duc de Longueuille Comte de Neufchastel &c: leur tres-redouté Prince & Seigneur, nostre fauorable Seigneur & Bourgeois, pour faict de venditions, & aultres paches & promesses, priants & requerants que leur voulussions establir iournée precise, au contenu & en ver-

Les Bourgeois de Neufchastel requierent une Citatiō contre leur prince.



tu de la bourgeoisie, & icelle notifier. Ce que nous auons faict, ainſy que la lettre citatoire plus amplement le contient, dattée que deſſus.

Sur ce jour comparurent par deuant nous les hōnorables & ſages Peterman Huguenot Banderet; Guillaume Horry, Antoine Faure Conſeillers; Claude Steiner & Iehan Bourgeois, des bourgeois de Neufchâſtel commis de ladiète ville d'une, & Noble George de Riue Seigneur de Prengin Lieutenant & Gouverneur dudièt Neufchâſtel, pour & au nom dudièt Seigneur Comte dudièt Neufchâſtel, d'autre part. Et en premier lieu leſdièts Commis de Neufchâſtel ont mis en auant par eſcript leur demande, articles, & ce dont ils ſetiēnt greués, leſquels auons ouy: à quoy ledièt Gouverneur & Lieutenant pour & au nom dudièt Prince & Seigneur le Comte dudièt Neufchâſtel a deſiré que deſdièts articles preſentés luy en fuſt faict exhibition pour ſe ſçauoir ſur iceux aduiſer & conſulter, & en apres faire reſponſe: ce que luy a eſté octroyé, & ſur cela leſdiètes parties ſont dereſchef au iourd'huy comparues

par

Le Gouverneur ſe preſente deuant le Conſeil de Berne iudiciellement au nom de ſon maistre.

Plaintes & demandes deuant le Conſeil de Berne produites.

Le Gouverneur audit nom demande copie pour aduiſer.

par deuant nous, & a ledict Gouverneur par son parlier faict proposer comme il auroit par lesdicts articles presentés entendu, iceux estre d'importance & qu'il n'auoit de sondict Prince & Seigneur aucune charge ne commandement sur iceux faire response, ni aussy s'en mettre en droict, ains estoit de bon vouloir descrire tout l'affaire à son Excellence, & ce que luy sera commandé volontairement il y tiendra main; avec plusieurs autres propos icy à reciter non necessaires. Sur ce lesdicts Commis de la ville de Neufchastel firent aussy proposer par leur parlier, pour autant que ledict Seigneur Gouverneur du jour de hier auoit désiré vne copie de leur proposition, laquelle luy auroit esté mise entre mains, & se seroit offert sur icelle leur faire response, & mesmes auxdictes ambes parties auroit esté estably vne journée precise, & icelle notifiée au contenu & suiuant la bourgeoisie, de toutes lesquelles choses il auroit bien peu aduertir sondict tres-redoulte Prince & Seigneur, joinct qu'il auoit pour plus grands affaires que cestuy cy pleine & entiere puissance & commandement, dont ils

Le Gouverneur presente ses excuses,

Les Bourgeois de Neufchastel conuenent qu'il soit iugé que le Gouverneur deust respondre.

Les bourgeois de  
Nesimple  
ont droit  
en vertu de  
la bourg.

Ordonnance  
du Conseil  
de Berne.

Delay com-  
petant est  
accordé au-  
dit sieur  
Gouverneur

Prolonga-  
tion & Cita-  
tio. s'y trou-  
uer précise-  
ment.

nous requierent leur aider du droit & ice-  
uy administrer comme ladicte bourgeoisie  
le contient & deuise. Au reciproque ledict  
Gouverneur instoit & desiroit de mesmes  
comme au parauant. Or dautant que par les-  
dictes parties en ce plusieurs & diuers propos  
ont esté tenu & proposé lesquels d'inferer & e-  
scrire seroyt superabondant, & que aussy  
ne seruent à la cause: Et ayant le tout bien  
entendu, auons surce aduisé & cogneu, qu'en  
consideration, que ledict Gouverneur auoit  
mis en auant n'auoir de ceste dicte cause ad-  
uerti sondict Prince & Seigneur, & de luy n'a-  
uoir aucun commendement, & se seroit of-  
fert comme en sa responce il faict mention  
qu'il escriroit tout l'affaire à S. Ex<sup>ce</sup>. & de ce en  
attendroit cōmandement. Et combien qu'au-  
parauant il eust cela de bonne heure bien  
peu faire: Ce neantmoins afin que personne  
ne soit precipitée voulons bien laisser passer  
cela & auons surce au contenu & en vertu  
de ladicte bourgeoisie establi vn'aulture iour-  
née precise assauoir le dernier jour du pro-  
chain mois de huiilet de bon matin & heure  
de Conseil, à comparoistre par deuant nous,  
cependant ledict Gouverneur fera diligence  
d'entendre

d'entendre le vouloir de sondict Prince & Maistre, Quoy & comme il en soit, & s'il ne comparoist sur ledict jour & ne faiet responce, & cependant lesdictes parties ne se peuvent amiablement appoincter, & nosdits bourgeois de Neufchastel derechef nous demandent & requierent le droict, iceluy dès incontinent leur laisserons aller & l'administrerons de jour à aultre. Et pour autant que ledict Gouverneur n'a maintenant satisfait à ladicte citation, il sera tenu defrayer & rembourser auxdicts de Neufchastel toutes coustes raisonnables, que pour ceste journée precise ils ont eu & soustenu. Et de toutes ces choses en signe de verité auons apposé nostre seal à ces presentes, & à vne chascune partie à leur requeste en auons baillé lettres, faiet le Mardi 26. de Juin.

Commin  
tion a lin  
sence de la  
partie pre  
sente ou  
passera ou  
tre en droit  
non obstant  
l'absence de  
l'autre.

1548.

AUTRE

# AUTRE PROCES INTENTE

devant le Conseil de  
Berne.



AR deuant nous l'Aduoyer & Conseil de la ville & Canton de Berne ont comparu George de Riuas sieur de Prengin & Gouverneur de Neufchastel, au nom du Duc de Guise requerants; que les bourgeois de Neufchastel prolongeassent leur cause jusques à Noël prochain, & que son Excellence enuoyeroit lors le sieur de Piquillon accompagné dudit sieur de Prengin avec pleine puissance & commandement de traiter amiablement des articles qui sont en different, & de les decider, & qu'il eseroit que les parties s'en contenteroyent. Au contre les delegués de ceux de Neufchastel respondoyent qu'ils ne le pouuoient pas faire, ni quitter ladicte bourgeoisie ny aussy s'adresser à aultre qu'à nous, neantmoins s'il nous plaisoit de retarder la journée qu'ils nous obeiroient, pourueu que la cause fust ventilée pardeuant nous. Surquoy nous auons cogneu, puis que lesdicts Deputés ont remis l'affaire iusques à Noël prochain, & promis à

Le Gouverneur du Comité requiert que son prolonge, promet que son maître donnera contentement. Les bourgeois de Neufchastel se veulent adresser à leur Seigneur pour terminer les différends estimants estre préjudiciable à la judicature de la S. de Berne, à laquelle le seules ils se veulent en ce cas adresser, réservant que la cause fut ventilée deuant le Conseil de Berne. Ordonnance du Conseil de Berne.

mis à ce iour attendre ledict sieur de Piquillon, toutesfois avec expresse conditions & reserues, que ledict proces debura estre rapporté deuant nous, & que toutes choses demeureront en leur estat, comme elles sont à present, & ny soit faict aucune innouation ne cōtestes, & qu'au predict iour lesdictes parties comparoissants, feront leurs plaintes, demandes, responce, repliques & dupliques, le tout selon la forme de la bourgeoisie, & attendront nostre amiable ou judiciaire cognoissance, & quand bien ledict sieur de Piquillon & Gouverneur ne comparoistront pas nous ne lairons de poursuiure en cest affaire: Laquelle cognoissance à esté acceptée d'ambes parties avec remerciements, & scellée, le  
dernier de Iuillet

1548.

La Seign. de Berne ordonne que ledict proces à elle soit rapporté: avec inhibition de rien innouer.  
Reiglement de leurs procedures. Non seulement l'amiable, mais aussi la judiciaire cognoissance appartient à la S. de Berne: Donques ne sont pas seulement amiables composeurs, mais aussi iuges, en cas que les parties ne se puissent accorder.  
Les parties acquiescent: & il n'y a voit point d'appel en cette cause.

L

AUTRE

**AVTRE ACTE DE REMI-**  
*se portant Citation à certain*  
*jour.*

**N**ous l'Aduoyer & Conseil de la ville de Berne sçauoir faisons par ces presentes, qu'il est comparu au jourdhuy datte de la presente par deuant nous, noble Iehan laques de Bonstetten nostre aimé & feal bourgeois, Lieutenant general & Gouverneur au Comté de Neufchastel au nom des Seigneurs Comtes d'illec, assisté de nobles François Cler Chastellain de Thyelle, Nicolas Verdonnet Chastellain de Bouldry pour la part des gens du Conseil desdicts Princes & Antoine Fabure Banderet de Neufchastel au nom des Estats, gens du Conseil, ville & pais de Neufchastel, nous declairants par la bouche dudit Seigneur Gouverneur, qu'ils auoyent esté fait certains de Madame la Marquise de Rötelen nostre feale & aimée bourgeoisie, comme la journée parcy deuant impétrée de nous par les Estats, gens du Conseil, ville & pais de Neufchastel, à l'encontre des deux Princes, d'illec luy estoit fort incommode & impossible d'y comparoir,

roir, nous requerants de vouloir continuer & prolonger icelle vn peu plus loin, semblablement comme les gens du Conseil & Commissaires du sieur de Nemours au lieu d'Annessy ont rescript audict Gouverneur, qu'il ne leur estoit possible d'aduertir leur Seigneur & Prince du faict en si peu de temps pour s'y sçauoir conduire sus la comparition dicelle iournée, dont prient, qu'il leur fut accordé prolongation dicelle l'espace d'environ de deux mois, iusques à la fin du mois de May, en quoy ledict Gouverneur, gēs du Conseil & tout le pais de Neufchastel tous par ensemble ont estés de bon vouloir de faire en cest endroit à la volonté de leurs dicts Seigneurs & Princes, afin que nulle des parties n'ait occasion de s'en douloir disant auoir esté precipitée en cest affaire, si nous prioyent la dessus qu'en faueur de leurs Seigneurs & Princes, & d'eux aussy la susdicte iournée fust amiablement continuée & prolongée, dequoy ne les auons esconduicts (apres auoir entendu leur proposition) pour l'amitié & alliance naturelle & bourgeoisie, en quoy nous sommes enuers lesdicts Seigneurs Comtes de Neufchastel en vertu de la perpetuelle bourgeoisie,



continuaunts & prolongeants surce iusques au  
Ieudi 10. Iour du mois de Iuin prochain la  
iournée que dessus, en vigueur de la perpetuel-  
le bourgeoisie dressée entre ledicts sieurs Con-  
tes de Neufchastel, & nous, comme Moyen-  
neurs & Iuges ordinaires entre lesdicts Prin-  
ces, leurs feudaux, & generalement tous les  
subiects du Comté de Neufchastel, aux fins  
de comparoir sur icelle en ceste ville, & atten-  
dre le fil de iustice, pour la precedente Cita-  
tion. Si voulons en vertu de ladicte perpetuel-  
le Bourgeoisie moyenner & definir deuëment  
les differents pour lequel ceste journée a esté  
prefixe & nommée: En tesmoignage de quoy,  
auons baillé cestes par escript auxdicts Dele-  
gués à leur requeste, sous nostre seel, le

27. d'Apuril 1557. signé Horry. Par

Translation.

**EXTRAIT**

La Seig. de  
Berné est  
iuge ordi-  
naire entre  
les Comtes,  
leurs feu-  
daux, & ge-  
neralement  
les subiects  
du Comté  
de Neuf.

**EXTRAIT DE L'ORDONNANCE**  
*de la Seigneurie de*  
**Berne.**



Vr le quel iour assauoir le 10. de Iuin, ont comparu les procureurs & charge ayants desdictes ambes parties, deuant nous l'Aduoyer & Conseil de Berne: & ceux des bourgeois de Neufchastel ont mis en auant, comme leur requisition par plusieurs fois reiterée aux sieurs Princes, que leur pleut satisfaire à la susdicte sentence, pour la manutention de leurs droicts & franchises, & leur bailler vn seul chef pour leur administrer droict & iustice, (dont pour vn temps ils auroyent esté priues) & par ce moyen preuenir & couper chemin au danger & inconuenient qu'ils auoyent craint il y a 4. ou 5. ans depuis l'arrest donné, n'auroit peu auoir lieu, ains auroyent esté contraincts par vrgente necessité, d'implorer en vertu de ladicte perpetuelle bourgeoisie, le droict, priants & requerants puis qu'en la renouation & confirmation de ladicte Bourgeoisie, faicte par leurs Agents & Deputés, & par eux lesdicts de Neufchastel le 10. de Decembre 1555. iurée, il est dict

Parties ont  
 obeï à la  
 citation de  
 Berne.

Les bourgeois  
 de  
 Neufchastel  
 demendent  
 d'auoir vn  
 seul chef.

Les Bourgeois  
 de  
 Neuf, sont  
 contraincts  
 d'implorer la  
 iustice à  
 Berne.

Il fut referu-  
é au re-  
nouelle-  
ment de la  
Bourgeoisie  
que les cau-  
ses ne se-  
roient euo-  
quées au  
Conseil am-  
bulatoire  
du prince,  
ains que par  
le Gouver-  
neur en  
seroit co-  
gneu.  
L'on tient  
icy pour vn  
point vuidé  
qu'en cas  
des diffé-  
rents entre  
les Comtes  
& ses sub-  
iects il faut  
aller à Ber-  
ne, Donques  
les seign. de  
Berne sont  
juges neces-  
saires audit  
cas.

entre autres, que ny nous, ny eux, ny les no-  
stres dudiect Comté de Neufchastel ne debu-  
royent estre renuoyés ça & là pour leur ac-  
tions & demandes iudicielles, & autres cho-  
ses, ains deuroyent s'adresser à vn seul chef  
de mesmes qu'il est dict en vn autre lieu, en  
quelle façon & par deuant qui l'on debura  
comparoir iudiciellement en cas des differents  
entre les Comtes de Neufchastel & ladiecte  
ville: Assauoir par deuant nous lediect Ad-  
uoyer & Conseil de la Seigneurie de Berne.  
Dauantage que le Duc de Nemours nous a  
parcy deuant enuoyé vne missiue sur le 15. de  
Decembre 1556. par laquelle il se declare qu'il  
desire, que la decision, sur les differents meus  
entre luy & le Duc de Longueuille à cause  
du partage du Comté de Neufchastel fut re-  
mis à nostre jugement. Et eux ont surce leurs  
plainctes propose contre lesdicts Princes (tou-  
tesfois non comme contre deux personnes se-  
parées, ains comme contre vn seul chef, &  
vne personne) ainsy que s'ensuyt, Assauoir si  
lesdicts sieurs Princes ne tiennent & concedent  
qu'en ladiecte sentence auxdicts Princes ren-  
due à cause dudiect Comté de Neufchastel  
(par laquelle ille leur fust adiugé par indiuis)  
à esté

a esté expressement réservé qu'ils se deburont accorder entre eux pour establir vn Chef audict Comté, ce qu'ils auroient contesté iudiciellement. Surquoy Madame Iaqueline de Rouan, tutrice du sieur Duc Leonor d'Orleans son fils l'a affermé & concedé, & n'auoir point tenu à elle suiuant l'acte surce dressé à Paris: Les Deputés dudict Duc de Nemours, s'en sont excusés disant auoir bien informé leur Maistre, mais n'auoir point receu de charge ny puissance, & requerants dilay: & les autres deux parties demandoient vne decision definitiue. Surquoy nous en vertu de ladicte perpetuelle Bourgeoisie, auons iudiciellement & en droict cogneu & prononcé, que pour les bonnes & iustes causes alleguées par les dits deputés des bourgeois de ceux de Neufchastel, & en vertu de ladicte bourgeoisie, que les predicts sieurs Princes defendeurs leur deburont sur leurs plainctes & demandes faire Confession ou Negatiue. Et neantmoins afin que les delegués & Procureurs dudict sieur Duc ne se puissent pleindre ou bien le sieur Duc d'auoir esté en son absence surprins (combien que nous serions tenus en vertu de la Bourgeoisie sur la requisition des Acteurs

La S. de Berne auoit ordonné que les princes se deuoient accorder entre eux pour establir vn se l'cheet audict Comté.

Nemours requiert d'auoir terme.

La S. de Berne iugcet cognoit iudiciellement & en droict.

La S. de Berne ordonne que les sieurs Princes facent confession ou Negatiue. La S. de Berne pouuoit metre sa sentence en execution en vertu de la Bourgeoisie: Or est il que qui conques peut exequuter il est juge.

La S. de Berne donne  
terme pour  
faire plaisir.  
Oùtroye terme  
sans preiudice d. s.  
traictes &  
sans consequence.

Les Princes  
ne compa  
roissants la  
S. de Berne  
veut passer  
outre au ju  
gement: au  
tre marque  
de iudica  
ture ordi  
naire & ne  
cessaire.

Les procu  
reurs du Duc  
de Nemours  
s'excusent  
derechef,  
pour de  
layer.

Nemours  
presente le  
droit de  
Mirche,  
Madame la  
Marquise y  
oppose dis  
sant celle  
presentation  
estre contre  
la Bourgeoi  
sie & contre  
les conven  
tions.

En vertu de  
la Bourgeoi  
sie il n'ap  
partient à  
autre qu'à  
la S. de Berne  
de iuger  
en tel cas  
dont il veu  
lent inferer  
que le Duc  
n'a eu droit  
de presenter  
la Marche

cteurs mettre en execution, ce que par droict  
fust ordonné) Nous neantmoins pour faire  
plaisir audict sieur Duc & à ses Procureurs (toutes  
fois sans consequence & sans preiudice à la  
dicte bourgeoisie) auons d'abondant octroyé  
& concedé auxdicts Procureurs terme de 30.  
Iours inclusiuement. Si dans ledict terme ils  
ne comparoissent, nous ne laisserons pourtant  
de poursuiure à nostre iugement. Sur cecy  
lesdictes parties sont derechef comparues sur  
le iour prefix, & lesdicts procureurs du Duc  
de Nemours se sont derechef excusés & de  
claré n'auoir peu auoir la charge, mais en cas  
que nous voulussions poursuiure au iuge  
ment, qu'ils auoyent commandement de  
nous presenter le droict, comme aussy ils ont  
faict. Surquoy la Dame Marquise a faict pro  
poser par escript, combien que les Procureurs  
du Duc de Nemours par cest offre du droict,  
tachent de destourner la cognoissance entre  
lesdictes parties contre la perpetuelle bour  
goisie, & les actes qui pour cest effaict furent  
dressés à Paris le 3. de Nouëmbre dernièrement  
passé, & la missiue à nous envoyée: Et qu'en  
vertu de ladicte bourgeoisie & des Actes à  
Paris dressés il n'appartennoit à personne aultre  
qu'à

qu' à nous de rendre lesdicts iugements & cognoissances. Surcela nous auons accepté ledict droict à nous presenté pour s'enservir selon le contenu des lettres de Bourgeoisie , (combien que nous n'y estions tenus, ains pouuions en vertu de ladiète Bourgeoisie passer outre audict iugement) toutesfois sans preiudice de ladiète Bourgeoisie & sans separer lesdicts differents, en vertu de ladiète bourgeoisie auons nommé vn Superarbitre, assauoir le sieur Henry Chasseur Conseillier de la ville de Bienne &c: Cependant est arriué que la Seigneurie de Berne a accordé ladiète Dame Marquise & les Procureurs du Duc de Nemours touchant l'achat de la moitié dudit

La S. de Berne dit qu'elle n'estoit tenue d'accepter le droit de Marche en tel cas, ains de passer outre au iugement. La S. de Berne accepte le droit de Marche avec protection & reserve. La S. de Berne nomme le superarbitre comme adrice, selon les traités.

Comté de Neufchâtel, & les despends ont esté compensés de toutes parts. Dont y à actes seelés. l'an

1557.

M

MADAME

MADAME MARIE DE  
 Bourbon Duchesse de Longueville &c: Con-  
 tesse de Neufchastel & de Vallangin escript à  
 ses subiects de Neufchastel, en datte du  
 dernier de May 1582. entre aultres  
 cecy.



Ais il nous greue plus que vous  
 aües meprise le nom & l'autorité de  
 Messieurs de Berne nos bons  
 & anciens amis hereditaires & per-  
 petuels Combourgeois, & refuse le droict qui  
 vous estoit presenté deuant eux, & en ce fai-  
 sant enfrainct & contreuenü à la Combour-  
 geoisie, que nous entendons inuiolablement  
 garder & obseruer, & ne debuiés point prefe-  
 rer vos pretendues franchises à l'autorité de  
 ladiète justice, qui en doit juger entre vous  
 & nous.

Il faut que  
 Berne juge.

Si vous en pouüés accorder avec ledict  
 sieur Gouverneur, & les gens de nostre Con-  
 seil, nous en serons tres-ioyeuse, si non, il faut  
 que Messieurs de Berne en jugent, suiuant la  
 presentation de justice, ja faiète audict Berne,  
 je l'ay

ie l'ay ainsi ordonné audict sieur Gouverneur & gens de nostre Conseil.

Il se trouue encores plusieurs autres Actes de la Judicature exercée & pratiquée par la Seigneurie de Berne, pour tels differents, lesquels Actes pour la brieveté ont esté omis, pour ne facher par vne trop grande prolixité le lecteur. Et de toutes ces pieces produites il conste en quelle sorte la Seigneurie de Berne es occurrences de ces differents a procedée, & exercé lofficice judiciaire par vn temps immemorable sans contradiction : lequel de droit luy appartenant, ne luy pourroit estre osté que par la violence.



M .



**PROCEDURE DERNIERE-**  
*ment tenue par la S. de Berne, en la cause des*  
*sieurs Ministraux Conseil & communauté de*  
*la ville de Neufchâstel comme Acteurs: & du*  
*Tresillustre Prince & Duc Henry*  
*d'Orleans comme defen-*  
*deur.*



Viuant ces traittés les sieurs Ministraux, Conseil & generale Communauté de Neufchâstel subiects de son Excellence de Longueuille, perpetuels Bourgeois de la Seigneurie de Berne, ont à l'Aduoyer & Conseil d'icelle comme aux juges ordinaires en cas des differents entre son Ex<sup>ce</sup>. & ses dits subiects lesdits Bourgeois, rapporté certains differents contre Sadi<sup>te</sup> Excellence: Et lesdits sieurs Ministraux ont par plusieurs & diuerses fois de ladite Seigneurie de Berne instamment requis depuis l'an 1599. qu'il luy pleut leur en faire droit faisant assigner & citer son Excellence, soit ses officiers au nom d'icelle pour comparoistre au Conseil de ladite Seigneurie, selon les traittés de Bourgeoisie & la prattique du passé. Ce que par ladi<sup>te</sup> Seigneurie de Berne fut dilayé & remis de temps en temps pour bonnes consideracions: cependant taschoit par lettres d'intercessions obtenir de S. Excellence ou ses officiers, que tels differents fussent terminés à l'amiable, comme ladi<sup>te</sup> Seigneurie de Berne auoit l'esperance, que lesdites parties se pourroyent accorder & à celle fin  
ne man-

La S. de Berne à dilaye le iugement des differents depuis plusieurs années.

La S. de Berne a intercedé pour lesdits Bourgeois afin que les affaires fussent terminées amiablement.

La S. de Berne exhoire les Bourgeois de Neuf, pour y apporter de la facilité.

ne manquoit auffy d'exhorter continuellement lesdits Bourgeois de Neufchastel d'y apporter toute facilité. Finalement au mois de Iuin, Iuillet & Aouſt de l'année paſſée lesdits Bourgeois de Neufchastel auroyent remonſtré à ladiſte Seigneurie de Berne, pour l'urgente neceſſité, & afin d'eiter des executions qui ſe braſſoyét contre eux, naiſſantes du principal de leurs differents, qu'ils ont avec Sadiſte Excellence, le iugemét ſur lesdits differents ne pouuoir plus eſtre ſurçoyé; requerrants eſtre ouis en leurs plaintes & demandes contre Sadiſte Excellence, ou ſes officiers la representants, pour en auoir iuſtice. Comme il appert par l'extraict ſuiuant.

Les bourgeois de Neufchastel remonſtrét que le iugement ne peut plus eſtre retardé pour l'urgente neceſſité & demandent iuſtice.

*EXTRAICT DE LA REQVESTE DES  
ſieurs deputés de la ville de Neuf-  
chastel.*

**N** Agnifiques & puiffants Seigneurs, nous les deputés des quatre Miniftraulx Conſeil & Communaulte de la ville de Neufchastel, Vos perpetuels Bourgeois expoſons duément à Vos Excellences : Comme ainſi ſoit que le Tres-Illuſtre Prince & Duc de Longueuille & Touteuille Comte de Neufchastel &c noſtre Souuerain Seigneur, Voſtre perpetuel Bourgeois, ſoit ſon ayeule Madame Marie de Bourbon auroit par certaines Lettres de Ratification ottroyées, receu les Bourgeois forains en leur pretendue renonciation de Bourgeoisie, qu'ils ont & doibuent auoir en la ville de Neufchastel, par leſquelles lettres, nos franchises ſont grandement leſées, particulièrement en certaines a-

strictions & condicions y apposees, en ouure en plusieurs autres points, nos franchises ont esté enfreintes par les sieurs officiers de son Altesse, comme sera deduit deuant Vostre Excellence. Pourtant prient & requierent plaie à Vos Excellences Comme luges es differents entre nostre Prince & Seigneur, & nous, establir iournée & Citation pour ce faire expedier au sieur Gouverneur & Ministres de son Altesse, pour iuger desdicts differents, avec inhibition de proceder plus outre à l'execution des causes accessoiress, releuantes des differents qui sont entre sadiete Altesse & nous, & priérons Dieu pour la prosperité de Vos Excellences: ce 4. iuin 1617.

Les Bourgeois de Neuf, requierent la Citation contre leur Prince.

Pour toutes ces raisons, la Seigneurie de Berne, apres plusieurs intercessions par elle faites pour l'accommodement des dites difficultés: n'a peu à lafin refuser la Citation d'elle requise, pour comparoistre au 7. iuillet. Laquelle fust duement intimée au sieur Gouverneur du Comté de Neufchastel, ainsi qu'il en fait foy par son recepisse, en datte du 8. iuin, signé Vallier: Et par lettre sequitiue, ledict sieur Gouverneur demandoit dilay, qui luy fut accordé pour le 15. du moys d'Aougt. Auquel les Deputés des sieurs Ministraux, Conseil & Communaulte se presenterent deuant le Conseil de la Seigneurie de Berne exhibants le Cahier qui s'ensuit.

La Seig. de Berne otroye la citation, à este intimée, comme certifie le recepisse du sieur Gouverneur. Le sieur Gouverneur sequiert termé.

**CAHIER.**

## CAHIER

**DES PLEINTES ET DEMAN-**  
*des des sieurs ministraulx de la ville de Neuf-*  
*chastel, présentée à la Seigneurie de la*  
*ville & Canton de*  
*Berne :*

## CONTRE

**LES SIEURS GOUVERNEUR**  
*& Conseillers de son Excellence de Longue-*  
*ville au Comté de Neufchastel, repre-*  
*sentants Sadiète Excellence. le 15.*  
*d'Aoust. 1617.*



**N**OVS les députés des quatre Mini-  
 straux, Conseil & Bourgeois de la  
 ville de Neufchastel, vos chers &  
 bien affectionnés Bourgeois, vous  
 exposent: Comme ainsi soit que les sieurs  
 Gouverneur, Ambassadeur, Conseil, Officiers  
 & Ministres du Tres-Illustre & Puissant Prince  
 le Duc de Longueuille, & Comte de Neuf-  
 chastel nostre Souuerain Prince & Seigneur,  
 aussy Vostre bon allié, confederé & Bourgeois  
 auroyent

auroyent depuis quelques années en ça au nom de Sadiète Altesse, par voye de faict, tant ouuertement, & directement, que tacitement, & indirectement amoindri & retranche, plié, & diminué les anciens droits, immunités, libertés & franchises de la ville de Neufchâstel, légitimement & à bon titre acquis & possédés par nos ancestres & à nous paruenus. Comme aussi les bonnes & anciennes Vsfances & Coustumes de ladicte ville diuersement confirmées & corroborees, Troublé les Bourgeois de ladicte ville en la possession & jouissance desdicts droits & Vsfances. En sorte que lesdicts Ministraux au nom du Conseil & communauté de ladite ville ont esté occasionnés à bon droit d'en former plaintes & doleances, ou ils le peuuent & doibuent faire, & se seruir des moyens legitimes que Dieu leur a presté & mis en main, à celle fin qu'ils puissent estre reintegrés & remis au pristin estat d'icelles franchises, desquelles ils ont esté desaisis & despouillés, & estre deliurés & rendus quittes & libres des charges par eux supportées iusques à present, par le moyen de tant des troubles & empeschemens. Desquels moyens toute fois ils se sont serui en tel temps

temps & maniere , que la raison le peut requérir , Si que ils ne peuvent iuger qu'on les puisse en cest endroit accuser d'aucune improcedure, s'estants lesdicts Ministraux prealablement adressés à Tres-Illustre Princesse & Dame Madame Marie de Bourbon, durant la minorité de l'Altesse de nostre Souuerain, & d'enpuis diuersément aux Seigneurs Gouverneur, Ambassadeur & Conseil d'estat, de telle part par humbles supplications accompagnées de missiues, & intercessions de vos Seigneuries, tendantes à ce que les affaires fussent amiablement terminés. Espérants par ce moyen d'obtenir quelque appointement fauorable & conforme à nostre requeste. Ce que toutesfois par l'espace de dix-huit ans à leur grād preiudice, despends, dōmages & interest n'ont peu impetrer de leur Souuerain, ou de ceux, qui en son nom administroient la Regence.

Dont il appert que lesdicts Ministraux & Bourgeois de Neufchastel, ne se sont pas precipités en cest affaire ( ainsi qu' il y en a qui semblent leur vouloir imputer. ) ny commis aucune chose , contre leur deuoir & fidelité iurée à leur Prince: Au contraire, que par

N

vne patience singuliere & respectueuse, ils ont voulu attendre le temps, qu'il plairait à Dieu inspirer l'Altesse de leur Prince, d'incliner en leur tant desirée restauration en leurs droicts & Vstances, Nonobstant les maux & incommodités qu'ils ont cependant supporté, à ce default.

Or est il Magnifiques & puissants Seigneurs, que voyants tels & semblables moyens, comme deuant mentionnés, par nous tenus en vain, Et que les maux, dommages & interets des pertes & ruptures de nos droits & libertés, prennoient accroissement de iour à autre, & commençoient gagner le dessus, ont esté vne ville & Bourgeois de Neufchastel occasionnés & contraincts finalement se resoudre par toute necessité auoir recours à iustice (apres tant de voyes amiables frustratoirement recherchées) & ce par deuant Vos Seigneuries, En vertu des anciennes & perpetuelles bourgeoisies, qui vous nomment iuges & arbitres des differents qui se peuuent susciter, entre l'Altesse de nos Souuerains & nous, ratifiés & corroborés, par tant d'actes & instrumens sur ce dressés, & d'inter ainsi vers vosdictes Seigneuries pour auoir iournée estable,

lie, & citation estre faicte au Seigneur Gouverneur & Conseillers d'estat, au nom de son Altesse.

Et bien que lesdicts Seigneurs Gouverneur & Conseillers d'Estat, eussent eu espace suffisant de ce preparer, à comparoir sur le iour d'assignation impetré, qui fust le septiesme Iuillet passé, si est ce, que leur ayant esté accorde delay iusques sur le present quinziesme d'Aougst, Nous n'auons peu moins que de nous presenter avec le respect qu'il conuient; Protestants preallablement par cestuy nostre escript deuant Dieu & Vosdictes Seigneuries, qu'au faict de ceste procedure, nostre but, intention, ny volonté n'est, ny n'a iamais esté d'en façon quelconque offenser, troubler, alterer, ny diminuer, eniamber, moins attenter contre les authorites Seigneuriales, & Souueraineté de nostre dict Seigneur & Prince, Comme tresmal à propos aucuns malueuillants voudroyent fayre entendre, ains nous declarons franchement recognoistre son Altesse pour le chef superieur, & Prince Souuerain de nous, ladite ville, terres & pays Et nous par consequent pour ses tresloyaux & obeissants Bourgeois & subiects, le tout de bonne



foy , à forme de nos libertes & franchises.

Et qu'en ceste dicte Procédure, nous ne desirons ny pretendons autre chose , que ce que peut seruir au soustien, entretenement & manutention de nos anciens droicts & libertés, & à la conseruation de la foy , pour ce donnée, par nos bons Princes d'heureuse memoire, & par conséquent de leur honneur & reputation, Ny d'ailleurs aussy aucune aultre chose, en ce cas, que le contenu au Contract de Bourgeoisie avec Vosdictes Seigneuries nous peut donner & permettre de droit, Iugeants, que suiuant la Reigle qui dit, Neminem lædit qui suo iure utitur, qui se sert de son droit n'offense personne, on ne pourra interpreter ceste nostre procedure autrement.

Protestent encores lesdicts Bourgeois & ville de Neufchastel pour le second, qu'ils n'eussent jamais reprins la procedure de droit en ceste forme, si la dangereuse consequence, de l'exécution d'une sentence fraichement rendue en l'assemblée extraordinaire des Estats tenus contre leurs Combourgeois de la Baronie de Thiellé qui ont persisté en l'union de leur corps iusques à present, ne les y eust.

eust forcés & contraincts, sur vn subiect qui regardoit le principal du different entre leur Souuerain & eux , sans trop grand preiudice duque l'accessoire ne pouuoit estre vuidé.

Ni mesmes encores , si lesdicts Ministraulx & Bourgeois de Neufchastel eussent peu conceuoir esperance de voir quelque amendement aux affaires de la part desdicts Seigneurs Gouverneur & Ministres de leur Souuerain , ou de son altesse mesme, dautant que combien ils leur fissent semblant de promettre telle chose, si est ce quils ont tousiours reietté au loin le principal, & plus iuste article de leur pretentions , retirants ainfy d'une main, ce quils presentoyent de l'autre.

Et comme il soit qu'une bonne partie des Bourgeois de Neufchastel residans hors la ville , se soyent commé sousleués par induction de quelques esprits de contradiction ennemis de la tranquillite, resuscitants beaucoup de vielles memoyres d'articles de plaintes & estrifs entre lesdicts Bourgeois forains & ceux de la ville, la plus part desquels auoyent desia esté appoinctés le reste escoulé.

de la memoire, pour la legereté du fondement. Et en effect ledicts sieurs Ministraux par eux interpellés en l'an 1599. deuant le sieur Mangot Ambassadeur de Sadiète Altesse, son Gouverneur & Conseiller d'Estat, leur demanderent reparation des torts, dont sans propos ils les accusoyent, instants fort contre iceux, de soubmettre toutes les difficultés pretendues au iugement absolu & definitif desdicts sieurs Ambassadeur, Gouverneur & Gens de Conseil, sans vouloir au preallable conceder Copie de leurs pretentions auxdicts Ministraux, pensants ainsi les contraindre à telle soubmission.

Ce que toutefois refusants de faire ledicts Ministraux, comme ceux qui estimoient auoir toute matiere & occasion de tenir iceux sieurs Ambassadeur, Gouverneur & Conseil pour partiaux & suspects : ledicts forains surce firent faire lecture d'un escript premedité, contenant Renonciation, qu'ils faisoient à la Bourgeoisie, quils ont avec eux, communion & debuoirs en dependants. De la quelle declaration ils demanderent acte par le moyen de  
Notaires

Notaires estrangers, secrettement introduicts à ces fins que leur fust accordé par ordonnance auxdicts Notaires de l'expedier, nonobstant les protestes desdicts Ministraulx contre vne telle precipitée & dangereuse procedure.

Et combien que telle Renonciation de foy mesme fust sans fondement raisonnable, & par consequent n'eust peu produire effect, à laquelle aussy ne se vouloyent arrester lesdicts Ministraulx pour intenter cause contre lesdicts forains : Si est ce qu'icelle auoit esté d'empuis approuuée, confirmée & autorisée de la part de Tres-illustre Princeesse Marie de Bourbon, Grandmere & Tutrice de son Altesse, & audict nom, par acte expres concedé à la requeste desdicts forains, sans esgard à nos interests, griefs & oppositions, contenant iceluy acte concession ou corroboration separée & particuliere de franchises conformes à celles dediète ville, d'ou ils peuuent pretendre mesmes droits & corps de Bourgeoisie á part, avec telle condition, que lesdicts forains renoncés  
& sepa-

& separés d'auec les autres, ne se pourroyent lier doresenauant par aucune Bourgeoisie ny combourgeoisie avec qui ce soit, sans permission expresse de sadiète Altesse, ausly ne, marcher sous aultre banniere que d'icelle, son altesse:

Item encores priuant lesdicts Ministraux du droit & Concession de la Cage & lauiolle, qu'ils ont sur leurs communs Bourgeois, distraiant ausi lesdicts forains de la Banniere desdicts Ministraux, fleschissant & enfreignant Sadiète Altesse ouuertement & directement les franchises, droits & anciennes vances dedicte ville de Neufchastel, auants d'abondant les officiers tousiours soustenus lesdicts forains en confirmation dedite Renonciation, d'ou se sont ensuiuiues plusieurs autres bresches, ruptures & infractions de droits d'une Ville de Neufchastel.

Il appert doncques que les plaintes desdicts Ministraux, sur le subiect dedicte Renonciation & confirmation d'icelle & les moyens les plus doux qu'ils ont peu choisir, aux fins de restauration, en telle diuision,

sion, ont esté en vain, & sans fruit ny succes.

Et iacoit que l'on eust esperé, que le Renouuellement de Bourgeoisie faict l'année passée avec vos Seigneuries d'eust seruir de moyen à reincorporer lesdicts forains avec ceux de la ville: Ils ne pouuoient neantmoins y entendre, quand mesmes ils en eussent eu la volonté, sans l'interuention du consentement de sadiète Altesse, à cause & obstant les grandes adstrictions, dont ils sont obliges envers Sadiète Altesse par Acte particulier, de la Renonciation questionnée.

Depuis seroit arriué de fraische memoire qu'à l'instigation des esprits remuants, comme deuant la partie des Bourgeois renoncés riere dicté Baronnie de Thielle auroyent commencé nouuel estrif avec celle des aultres Bourgeois audict lieu, qui ont perseueré en l'union de nostre corps par le moyen d'une imposition commune sur chasque teste de leurs Communautés indifferemment tant renoncés que non renoncés pour contribuer aux frais incourus, au faict de la Renonciation questionnée & confirmation d'icelle, laquelle contribution lesdicts non renoncés refusoient faire, Comme ceux qui n'auoyent rien

O

de Commun avec les autres au faict dediète Renonciation , qu'ils n'auoyent iamais approuuée, Craignants mesme de se mesprendre, contre le ferment qu'ils ont auxdicts Ministraux par les conséquences de tel consentement & communion , d'ou sont ensuiuies poursuites exactes desdicts Renoncés contre les autres refusants le payement de l'imposition que dessus, pour lesquels s'estants portes respondants lesdicts Ministraux suiuant le debuoir de leur office & leurs supplications, au sieur Gouverneur & Conseil d'Estat de vouloir ou entierement leuer ce nouveau proces suscitè, ou au moins comme accessoire surçoyer iusques à ce que ledièt different avec son altesse comme principal fust determiné, qui est en litispendance deuant vosdictes Seigneuries, n'ayant de rien serui ny profité, Ne peuuent de moins que de protester de la nullité des Sentences qui surce subiect se pourroyent donner comme de iuges non competans, Reiterans le mesme deuant l'assemblée des iuges extraordinaires és Estats derniers tenus pour corroboration de l'inferieure.

Et puis que tous droicts soyent diuns humains, naturels, ciuils ou aultres quels qui soyent

soyent defendent d'attenter, vsurper ou priuer l'autrui de ses droits, des'approprier la chose priuée, & s'en inuestir sans forme de droit, voire mesmes de luy troubler la iouissance di ceux.

Et que d'autre part telles chose arriue auxdicts Ministraux par le moyen des Ambassadeur Gouverneur, Conseillers & Ministres de son Altesse au nom d'icelle, au grand preiudice & detrimement d'une ville & corps des Bourgeois de Neufchastel, tant directement comme deuant dit, au moyen de l'approbation de Renonciation, & clausules y contenues, que indirectement en plusieurs facons, es personnes des Bourgeois qui n'ont voulu adherer à dicte Renonciation, voire encore directement en leurdictes personnes par le moyen des sentences que dessus rendues, par les Estats, sur le subiect d'un accessoire, qui depend entierement de la Renonciation questionné, au preiudice euidet, de la cause & different capital quand l'execution d'icelles sentences se deburoit ensuiure, En la quelle cause neantmoins, ny dependances d'icelle lesdicts Gouverneur, Conseillers & officiers ne doibuent auoir droit de prendre cognois-



fance, attendu que *Accessorium sequitur naturam principalis*, l'accessoire fuit la nature de la cause principale.

Pour toutes ces raisons, ont esté occasionnés les quatre Ministraux, Conseil & generalité des Bourgeois de Neufchastel, reprendre leurs premieres erres, & inter vers Vosdictes Seigneuries au vuidange du different principal, cy dessus mentionné, entrelaissé si long temps, au grand dommage & preiudice de nos libertés, avec autres articles & plaintes sur ce qui s'en est ensuiui, comme iuges competants & ordonnés, par vertu de nostre, ancienne & perpetuelle, Bourgeoisie, à cause de la souuent mentionnée pretendue Renonciation & diuision aduouée, receue & confirmée par leurs alteſſes & officiers audict-nom, à la leſion, rupture & grand preiudice de nos droits & libertés comme dit est & des autres poincts & articles de plaintes cy dessus ſpecifié. offrants de verifier leur alleguations à ſatisfaction du droit.

I.

Ces quatre Ministraux au nom du Conseil & communaulte de Neufchastel ou deputés en leur nom, requierent estre dit les ſieurs  
Ambas-

Ambassadeurs, Gouverneur & Ministraulx de son altesse: ou Madame la Duchesse en son nom; n'auoir peu n'y deu receuoir, approuuer, maintenir ny confermer les Bourgeois forains en leur pretendue diuision & Renonciation & pour ce declarer dicte Renonciation & confirmation, cassée reuouquée & de nul effect, comme contrariants au texte formel de leurs franchises, & iceux forains quittes & liberés de toutes les astrictions qui les pourroyent lier enuers Sadite Altesse au preiudice desdicts Ministraulx, voire debuoirestre remis, & reincorporés en leur pristin estat, debuoirs & serment quils ont eu de tout temps & ont encores à iceux Ministraulx: Et en suite de ce, rendre l'obeissance, debuoirs, contributions, giettes de Communane, rentes reparations de ville, & *vingelt* / que doibuent tous aultres Bourgeois, se ranger soubz la Banniere dudict Neufchastel, satisfaire aux elections & impositions d'armes, pour tirer en guerre, ou autrement, le tout ainsi que par le passé a esté vsté, sans quils puissent y contredire ny resister, ains le tout accomplir, & par Sadiete Altesse estre lesdicts Ministraux au pres dece maintenus à l'aduenir.

En second lieu se plaignent lesdits Ministraux de la procedure contre les Bourgeois de Boudeuillier, que contre leurs droits & vances, l'officier du lieu a voulu contraindre se monstrier avec leurs Armes conioinctement avec les autres subiects, leur imposer les armes & les enroller, Au lieu que lesdits Ministraux au cas de monstres deputoyent aucuns de leur Conseil pour les monstrier auxdicts officiers comme membres de leur corps, qui ne pouoyent estre distraicts de leur Banniere n'y commandement, à iceux appartenans la vision, imposition des armes, nomination & enrollement de guerre, fondés sur l'article de franchise, contenant ainsi (le Prince parlant) *Et si nous auions guerre propre, la Communauté nous debura aider, sans prendre taille, & auroint nosdicts Bourgeois, armes & Cheuaux competans pour leur faculté par le Conseil de la Communauté.* Par ou il appert qu'ils ont tel commandement sur tous Bourgeois: Appert aussi par le serment desdicts Bourgeois par lequel ils s'astreignent comme dessus, lors de leur reception avec l'usage de tout temps qui porte,

porte, *que selon le cas lesdicts Ministraux dressent compagnies & enseignes composées de leurs Bourgeois, soit pour sortir ou defendre le pays.*

Requerants soit dit telle procedure, ne se pouuoir ny debuoir à l'aduenir pratiquer, Nonobstant quelle Prononciation les Officiers de Seigneurie puissent auoir expediee; sur le subiect dediète pretendue monstre & imposition d'armes: Laquelle ne leur doibt estre preiudiciable, pour estre entierement reprouuée par le Conseil de ville; & à ce n'ayant iamais consenti.

## III.

Plus se plaignent fort de la procedure que ledict sieur Gouverneur & Officiers tiennent au faict des publications des mandemens, par laquelle contre, le texte expres de la franchise, & ce qui d'ancienneté a esté vité, ils ne font plus aucune mention du consentement desdicts Ministraux, laquelle franchise porte ainsi (le Prince parlant.) *Et ne pourrons faire Cry ny ordonnance en nostre ville de Neuschastel, sans eux; ny eux sans nous.*

Requerants il soit dit leur debuoir estre  
reparé

reparé ledict faict par lesdicts sieurs Gouverneur & Conseillers d'Estat, & qu'ils ne peuuent faire commandement ny prohibition à l'aduenir sans le consentement des sieurs Ministraux, & qu'ice luyconsentement y soit expressement mentionné.

## IV.

Plus encores se plaignent que dés quelque temps apres apres l'acquisition faicte par son altesse de la terre de Valangin, on a uoulu offer le droit de seance que lesdicts Bourgeois de Neufchastel ont eu de tout temps es assemblées des audiences que pour iustice absolue & supreme se tenoit audict lieu, lors que les auciens Comtes de Valangin possedoyent ladicte terre, ayants lesdicts officiers à cest effect change le nom & tiltre dedicte iustice d'audience à celuy d'Estat, Voulants inferer que si mesmes ils auoyent quelque droit d'ufance au siege des audiences, il ne s'entendoit le mesme des Estats, combien qu'en effect ce soit tous iours tout un.

Requerants partant, que ceux qui seront deputés de la ville de Neufchastel ayent leur siege accoustumé, comme d'ancienneté aux audien-

audiences, ou qu'ils ayent mesme seance aux Estats dudict lieu.

## V.

Aussi se plaignent, de ce que lesdicts sieurs Ambassadeurs, Gouverneur & officiers, sur le subiect du different, n'agueres entre le sieur Baron de Gorgier & Dame Anne de Neufchastel sa Cousine, relictte du feu sieur de Bonstetten, à cause des fiefs de Vauxmarcus & Trauers, dressèrent vne nouvelle composition de iustice, qu'ils intitulèrent feodale; de laquelle ils disoyent la cognoissance appartenir immediatement à son Altesse, nommants les assesseurs tels que bon leur sembloit, expulsants ainsi insensiblement lesdicts Ministraux de la seance des Estats, sous pretexte de changement de nom & tiltre, laquelle toutes-fois est la iustice souueraine, & par consequent capable de iuger de tout ce qui se peut presenter; combien que lesdicts Ministraux ayent nomination de quatre de leurs Bourgeois, pour le tiers desdicts assesseurs, fondés en bons tiltres, auxquels & au Texte de leurs franchises, est ainsi contenu portants icelles reiteration:

*Aussi ne doit cognoistre en nostre dicte ville de*

P

*Neufchastel sinon les Chanoines, nobles, feodiers de nostredicte Comté, & nos Bourgeois & Officiers d'icelle. Item & les vsances des anciens iugements demeureront selon les anciennes coustumes, Seruant pour ce de tesmoignage la commise des mesmes fiefs de question au Souuerain, par l'adiudication des Estats ordinaires, sans qu'on aye iamais ouy parler d'autre iustice souueraine.*

Requerants partant aussi, il soit dit à la correction de telle procedure, icelle ne debuoit estre admise ny pratiquée à l'aduenir, ains continuer les vsances, pour le regard des iugements, de tout temps pratiquées, sans y apporter innouation.

## VI.

D'ailleurs se pleignent aussi, que les Maires & Presidents de iustice, n'observent pas ce qu'a este pratiqué de toute ancienneté, en prestant le serment aux tesmoins, & aultres particuliers, & les sommant de porter tesmoignage de verité, qui se fait *par le debvoir & serment qu'ils ont au souuerain & aux quatre Ministraux*, mais maintenant eclipsent lesdits

dicts Ministraux, sans en plus faire mention, ce qui leur porte grand preiudice à leurs droits, & tend à corroborer la pretendue renonciation des forains, les exemptants de l'obeissance qu'ils leur doibuent, comme s'ils ne leur estoient pastenus d'icelle, par debuoir & serment, combien qu'il apparaisse du contraire, par leur reception de Bourgeoisie.

Demandants qu'il en soit vſe, comme du passé, selon les serments de leur Souuerain & leurs Lieutenant ou Officiers, de maintenir tous leurs droits, vſances, coustumes escriptes & non escriptes.

## VII.

Item demandent emendation du refus que les officiers de son Altesse font de faire participation du tiers de la recouure des ventes en temps de foire, à eux ou à leur officiers, contre le texte formel de la franchise qui dit ainsi, *Percepuront & recepuront nosdicts Bourgeois le tiers des ventes sur toutes Marchandises, à debuoir percepuoir & recueillir avec les nostres ventiers dudit Neufchastel, ainsi & pareillement qu'ils l'ont recouuré au*



*temps passé, & s'accompagneront comme ont accoustumé.*

Demandants qu'en suite desdictes franchises, tel empeschement soit leué & dit, que fuiuant icelles, ils se puissent accompagner avec l'officier de Sadiète Altesse, pour les recouurer & y participer.

### VIII.

Dauantage se pleignent des innouations, qui se font au faict du serment, nouuellement dressé pour les Notaires, portant prohibition de recepuoir acte, en faueur de toute Commu-  
naulte, pour acquis de fonds sans exception desdicts Ministraux & ville de Neufchastel, qu'ils priuent insensiblement de leurs droits & priuileges, veu que si cela auoit lieu, d'icy à peu d'années ils ne trouueroyent personne, qui peut recepuoir tels actes pour eux, & demeureroient forclos du benefice de leurdicts priuileges & franchises, contenant ces mots,  
*Item pourront nosdicts Bourgeois achepter d'un chacun, à la charge, que les biens quilz achept-  
ront seront & demeureront enuers nous & suc-  
cesseurs nostres, de telle condition quilz estoient  
au par-*

*du parauant l'achept & acquisition, ainsi qu'ils en ont iouy par cy deuant.* A ce mesme propos fert la confirmation de Monseigneur Leonor d'Orleans reiterant le mesme, y adioincte ceste condition, *l'achepteur ou achepteurs seront tenus d'en faire acte;* qui denote bien, que le corps est ausy bien entendu que le membre, oultre l'usage qui s'en est ensuiui.

Requierent doncques soit dit, que tels articles de serment doibuent estre reiglés, selon l'ancienne forme, sans innouation, & que en suite desdictes franchises, ils puissent acheter, au nom de la ville & en particulier, de qui bon leur semblera, comme par le passé ils ont accoustumé.

## VIII.

Item trouuent estrange le refus, que fait le sieur Gouverneur, de receuoir le serment des Bourgeois nouuellement receus par le Conseil de ville, selon l'ancienne forme pratiquée, entendu mesmes, que telle forme a este prescrite ou confirmée par acte emané du Seigneur Gouverneur George de Riue du 8. de Septembre 1545.

Entendants qu'ils doibuent estre receus

à tel serment accoustumé, comme il a cy devant esté prattiqué, à l'endroit de tous ceux qui sont esté receus par le Conseil & Communauté dediète ville.

## X.

Plus se pleignent que les officiers & fermiers de son Altesse prennent & font prendre l'eminage de l'orge, auoyne & legumes qui sont ammenés & vèdus en la ville, nonobstant que la table du peage contienne expressement, telle denrée payer six deniers en argent de peage, semblant que d'autant que lesdicts Ministraux participent audict peage, ils veulent les distraire, pour augmenter la contribution audict *esminage*, ou son Altesse participe seulement. Partant demandent reparation des esminages, ainsi perceus, contre leurs Droits, & estre dit que d'oresenauant dictes graines seront exemptes dudit esminage & rayées du rolle des montes diceluy.

## XI.

Item des fermes & admodiations des fours en la ville, pour payement du prix desquels les fermiers exigent des Bourgeois plus de beaucoup qu'ils ne doibuent, contre les concessions sur ce faictes.

A forme

A forme desquelles demandent estre procedé, sans prendre desdicts Bourgeois plus qu'il n'est porté, ains leur liurer leur pain selon le contenu en iceux , qu'est vn quart par esmine.

## XII.

En outre lesdicts officiers introduisent vn nouveau Coustumier, contre l'autorité des Audiences generales, & contre les franchises & vsances du Conseil & iustice de la ville, qui à droit de toute ancienneté de bailler declaration sur les poincts de controuerses des vsances & coustumes du pays.

Requierent partant lesdicts Ministraux, audict nom, soit dit & ordonné, que telle inouation comme preiudiciable aux vsances & coustumes anciennes, & contraire à la formalité des audiences generales, soit supprimée & abolie, & que pour ce poinct aussy lesdicts Bourgeois soyent maintenus & conserués en leurs franchises & vsances.

## XIII.

Aussi combien que d'ancienneté, les habitants de la ville de Neufchastel, ayent esté exempts du droit d'aubaine & retraicte forai-

ne, En

ne, En vertu mesmes du texte de leurs franchises, article 29.<sup>me</sup> qui dit ainsi, *Et si aucun estranger, fors qu'il ne soit de nos hommes, de nos foedaux, refuit en nostre ville de Neufchastel & y fait demeurance un an & iour, sans estre requis, & il se represente à nous, & aux quatre Ministraux de la ville, à soy ayder aux choses necessaires & communes vsances, les Bourgeois l'auront pour Combourgeois & nous avec eux, luy ferons maintenance s'il est necessaire &c.* Item de l'article suiuant portant ces mots. *Et les Estrangers, quand ils se presentent à l'entrée, ne nous doibuent n'y aux quatre Ministraux de la ville, s'ils ne veulent donner de leur propre volonté, & quand il leur plaira, avec entiere apportation de leurs biens, pourront departir.* Sans qu'il en soit este vsité autrement d'ancienneté; important beaucoup à ladicte ville de Neufchastel, que telle innouation soit abolie, afin qu'on en vse pas de mesmes en d'autres lieux enuerseux, par droit de reciprocation.

Requierent partant ledict droit d'aubaine, &c.

xv.

ne l'aitte former & fidele Imposition soit abolie delictieuse  
Dont plus Cambry qui s. a se son refuse plusieurs Lor Auguste de  
Le fait du sang de Maria nifre Convoitance Lor officier de  
S. a Tuteur établir pour plusieurs autres leges subtils des en-  
quêtes & demander de justice de Corpe & l'ima  
pourraux requiesces Ledit Imposeur auxq Noms que dore  
seigneur lesq Officiere de S. a ne passent plus à d'autre dequis-  
tes que celles qui s'ad. a. a résister assavoir le Sang de Maria  
nifre, comme de tous temps a été observé & pratiqué.

. xv .

finalment en offrir à S<sup>te</sup> A. renvoyer les Bourgeois & valoir mieux la Baroni du Hautmont q<sup>ue</sup> en assigner à n<sup>ostre</sup> la plus vile condition & n<sup>ostre</sup> s<sup>eulement</sup> s<sup>eulement</sup> Notamment avec le Marj mont. Comme à Gardes le Cinnin<sup>te</sup> dans les prisons, Les accompagner avec armes jusqu'à S<sup>te</sup> A. & autres semblables actions, Embler que S<sup>te</sup> A. Bourgeois n<sup>ostre</sup> s<sup>eulement</sup> s<sup>eulement</sup> obligé à autres débaucher personnes que sont les autres & leur condition si n<sup>ostre</sup> s<sup>eulement</sup> s<sup>eulement</sup> de leur & leur d<sup>ist</sup>urancer & f<sup>er</sup>mer.

Requiescunt sur n<sup>ostre</sup> s<sup>eulement</sup> s<sup>eulement</sup> de S<sup>te</sup> A. Bourgeois ne soient n<sup>ostre</sup> s<sup>eulement</sup> s<sup>eulement</sup>, mais que tout son & laisse paillarder comme d'ancienneté S<sup>te</sup> A. leur condition, s<sup>eulement</sup> s<sup>eulement</sup> le d<sup>ist</sup>urancer de rigueur.

[illegible]

Que même les juges de son ordi. ont été et seront toujours  
tenus de rapporter leurs sentes. La dignité après avoir  
joué à la judicature arbitraire de son ordi. on leur a fait  
à défaut de support, de passer, à souffrir à l'admirer. Non des  
recommandations à la protection divine. Et leur mépris de  
leur dignité de juges.

fin de la traduction des 81 premières pages  
l'original allemand

